

BARTHOLOMAEI

EVSTACHII

SANCTOSEVERINATIS

LIBELLVS DE

DENTIBVS.



Cum priuilegijs.

VENETIIS,

M D LXIII.




BARTHOLOMAEI

EVANGELII

SANCTO SEVERINATIS

LIBELLVS DE

DENTIBVS.



Cur privilegijs.

VENE TI A

M D LXXII

MARCO ANTONIO

AMVLIO, CARDINALI

AMPLISSIMO, BARTHOLOMAEVS

EYSTACHIVS FOELICITATEM.



V^{VM} multa iam pri-
dem, Cardinalis Am-
plissime, ad hominis
dentes pertinentia in
tractatione & frequen-
ti usu anatomes obser-

uassem; ea paucis ante mensibus amico-
rum hortatu in libellum redegi; ad quem
nunc edendum magnis eorundem preci-
bus, quoniam impellor ac penè cogor, visum
est mihi, ne de huius meæ diligentia ac in-
uentionis fructu, proprio arbitrio temere de-
cernerem, quaecunque a me excogitata fue-
runt, ijs, qui de singulis incorrupte iudica-
re solent, examinanda atque corrigenda

a 2 pro-

proponere: simulque libellum ipsum alicui
uiro dicare, a quo defendi & doctrina &
authoritate possit. Occurristi uero tu maxi-
me omnium idoneus, qui antea quam te ad
altiore[m] istum dignitatis gradum uirtu-
tes tua extulissent, Philosophus eras prae-
stantissimus, & in ijsdem adhuc studijs ita
uersaris, ut nemo uideatur ea uehemen-
tius amplecti, & neminem habeant homi-
nes aliqua uirtutis uel ingenij laude pradi-
ti, à quo maiora possint, aut ornamenta,
aut beneficia expectare. Hac itaque spe
& singulari humanitate tua fretus te ele-
gi, quo iudice, patrono, ac defensore is
meus libellus in publicum exiret. id quod fe-
cire ita postulante, quoniam, quum à pro-
batissimis, non solum medicorum, sed phi-
losophorum quoque opinionibus aliquando,
uel inuitus recedā, opus est, ut doctissimus
in primis philosophus huius tractationis de-
fensionem suscipiat. atque ego (ita uiuam)
quando ueterum sña non adhareo, non eam

ob causam id facio, quemadmodum hac
tempestate nonnulli, ut inanem gloriam au-
cuper; uerum ut ceteros ueritatis cupidos
ad pulcherrimas res inuestigandas exci-
tem, & inflammem. Maxima sanè sunt
illi laude digni, quos scio ad eum finem ho-
die diu noctuque in Hippocratis, Aristote-
lis, & Galeni lectione uersari: ut ex eorum
libris menda tollant, & eorundem simul
sententias illustrent, & nobis aperiant.
quod quidem ego (ingenue fateor) præ im-
becillitate ingenij præstare, assequi uè non
possum; sed, sicut amo eos, de hoc labore mi-
rum in modum, & me illis plurimum de-
bere fateor; ita uicissim cupio, ut stu-
dium illi meum, qualecunque sit, ne asper-
nentur. Nam quanquàm hæc de denti-
bus lucubratió propter eius humilitatem,
periculum adeat; ne ab ijs improbata, qui
ne Galeno quidem parcunt; & prorsus ne-
glecta lateat, & à paucis legatur, aut cer-
tè paulo post mecum intereat: tamen satis
utilem

utilem laborem me suscepisse etiam isti existimare poterunt, quando nemo hinc non percipiat, me quoque eodem mihi fine proposito pro uiribus ingenij in eo laborare, ut ueterum scriptorum authoritas, quatenus ueritas patitur, conseruetur, & dignitas amplificetur: nam & ipse etiam sedulo curo, ut quæ uetustate manca sunt, & fere obsoluerunt, quæque negligentia & inuidia hominum deprauata passim occurrunt, partim emendatione partim interpretatione suppleantur, renouentur, & corrigantur, atque in pristinum demum nitorem restituantur. Caterum te etiam, atque etiam obsecro Cardinalis Amplissime, ut hanc meam lucubrationem, quasi pignus obseruantia erga te meâ hilari uultu accipias; & quando a negocijs & grauioribus studijs animum relaxas, legere ne graueris. persuadeo autem mihi ipse fore, si tu, quæ à me scripta sunt, nec spreueris, nec improbaueris, ut a reliquis, qui ingenio

ac

ac doctrina præstant, non probentur modo, sed etiam laudentur, ut quæ tua potius doctrina ac prudentia tanquam regula seu perpendiculo dimensa sint, quàm solo tuæ amplitudinis favore suffulta. Quod si uideas aliquid à me dictum à uero abesse, uel dubitatione non carere, ac propterea tuo patrocinio indignum esse, ut me solo nutu moneas, omni contentione peto. siquidem non cupio solum, ut hic libellus eximia doctrina & grauissima authoritate tua ab iniquorum hominum iniurijs defendatur, uerum etiam ut integerrimo iudicio corrigatur. Me autem tibi & si plurimis alijs nominibus obligatum, hanc ob causam ita deuinxeris, ut neminem sis post hac habiturus, qui libentius tua causa omnes labores suscipiat, & pericula etiam extrema subeat. Vale. Romæ octauo Idus Decembris M. D. LXII.

cembis M. D. LXXII.
 me libet. Tale. Et non est illud De-
 beret suspiciat. Et pericula etiam extre-
 ditur; quilibet tua causa omnes la-
 ita deinceps; ut nemo in post hoc ha-
 ite nominibus obligatum, hanc ob causam
 rigatur. Me autem id est si quis a-
 actione etiam in integerrimo iudicio cor-
 respondere hominum iuribus defendatur,
 etiam de gravissimis auctoritate tua ad
 non cupio solvere, ut hic libellus etiam co-
 monas, omni contentione peris. Ipsi
 patrocini indignum esse, ut me solo iure
 dubitatione non carere, ac propterea tuo
 has aliquid a me dictum a vero esse, vel
 amplius favore la. Et si
 perpericulo diuersa sunt, quoniam solo iure
 etiam ac prudentia sapientia regenda sunt
 sed etiam laudentur, ut per nos potius do-
 ac doctus perit, non per oculos meos.

BARTHOLOMÆI
EVSTACHII

S. ANCTO SEVERINATIS

Libellus de Dentibus.

Nomen, genus, & substantia dentium explicatur. & quamobrem inter partes instrumentarias numerentur.

Cap. I.



MICORVM hortatu & precibus de dentibus scripturus, ea methodo utar, eumq; ordinem seruabo, quē in libello retinui de renibus a me scripto; nimirū fabrica prius enarrata, ad actiones utilitatesque descendam. Dentis appellatio late patet.

Nam & secundam ceruicis uertebam, & ipsius proceritatem, quæ pyrenoides dicitur, solent quandoque uetustiores medici, ob similitudinem quandam dentem appellare. Sed quum proprie & citra translationem loquuntur, eam oris partem dentem nominant, quæ quasi *ἔδω*, ab *ἔδω* hoc est comedo à Græcis dicitur; & à latinis, eos, ut arbitror imitatis, dens quasi edens, à Ruffo Ephesio etiam cranter. De substantia principes authores non conueniunt. Alij, inter quos Galenus est, dentes ad commune genus ossium referunt, & eiusdē naturæ esse contendunt. Alij plurimis differentijs inter eos

eos & cætera ossa enarratis contrarium asseuerant. Aristoteles etiam prioris alicubi sententiæ esse uidetur, sed non semper: siquidem sæpe inter ossa dentes non numerat, sed nunc ossæos uocat; nunc ossium eos naturam æmulari scribit. Verum quum pateat Galenum, qui Hippocratem & Aristotelem securus est, minime ignorasse dentes, ortu, incremento, & sensu a cæteris ossibus plurimum differre, credendum est, dum eos, qui contrariam sententiam tuentur, reprehendit, nihil aliud uoluisse, nisi ut dentium natura in communi ossium genere collocetur secundum substantiæ uel materiæ, ut proprius loquar, qualitates, sensuum iudicio subiectas. Cæterum quam ob rem Hippocrates nihil frigidi dentibus inesse scribat, non facile est explicare. nemo enim ex eis, qui illum secuti sunt, dubitat, quin eorum temperies sit frigida; substantia uero terræ ita particeps, ut nō modo duritiæ ac densitate alia ossa superent, uerū etiam lapides æquent, aut certe eis uix cedant. Siquidem ossa frangunt, & soli ex ossibus ferri aciei resistunt; igneque ac flamma haud ita facile cum reliquo corpore cremari à Plinio creduntur. Verum quia eorum durities non eadem est in omnibus animalibus, accidit persæpe ut ueteres anatomici mansuetis animalibus dentes molles inesse dicant, ferocibus duros: molle nimirum id appellant, quod alteri comparatum multo minus durum est: ideoque Galenus interdum erodi dentes propter molliciem testatur: tuncque medicamentorum ope duriores reddendos esse monet, ut in pristinam integritatem restituantur. An uero ab ossium genere excludendi sint, quoniam, ut aliqui scribunt, cætera ossa frangunt; numue, ut Hippocrati placuit, propterea sint reliquis ossibus duriores, quia nihil frigidi habent; & pinguiores illis

illis sunt; philosophis discutiendum relinquo; & ad uti-
liorem quaestionem examinandam descendo. Aristo-
teles de dentibus una cum quibusdam alijs dissimilibus
particulis tractat; statuitque ex officio & usu idem de
ijs, ac de illis iudicium esse faciendum. quod, quoniam
haud parui pendendam difficultatem habet, ex re est,
ut diligenter explicetur. Dentes igitur non sunt ullo
modo inter partes dissimiles collocandi, quia eorū sub-
stantia simplex est; & nimis improprie ligamentorum
uel neruorum etiam & uasorum gratia, quæ in illos in-
seruntur, ad dissimilium partium genus pertinere dice-
rentur. Minus item apposite illarum dissimilium par-
tium, seu ut rectius loquar eorum instrumentorum nu-
mero censerentur, quæ sub similibus partium genere
propter substantiam, dissimilium uero propter uarium
contextum, cui actio præcipue tribuitur, continentur.
Venæ enim & arteriæ substantia prorsus simili ac simpli-
ci præditæ sunt, diuerso tamen staminum ductu consue-
tū munus suum exercent: quod, quidem quia dentibus à
natura negatum est, sequitur ut illis propter solam figu-
ram instrumenti nomen æque, ac ferræ & gladio accom-
modari possit. Siquidem Aristoteles quasdam partes
sub similibus genere propter substantiam, sub dissimiliū
uero propter figuram comprehendere recte docet; ta-
met si hoc cordi (nisi figuræ nomine abutitur) minus
apte tribuat. nam, ut modo præteream falsum uideri cor-
secundum substantiam simplicem partem esse, quando
multæ ei dum operatur, usum præbent: tamen etiam si
hoc concederemus, hoc uiscus non propter solam figu-
ram, ut ipse scribit, instrumentum appellandum esset,
sed ob uarium fibrarum contextum, quæ in eo, perinde
atque in uenis & arterijs substantia prorsus simplici ac

simili præditis conspiciuntur: qui quidem contextus, non modo non impedit quo minus inter organa cor-
ponatur, uerum etiam facit, ut illi conuenientius pro-
pter ipsum, quam propter solam figuram instrumenti
nomen tribuatur. Sed redeo ad dentes, qui tametsi sunt
ut infra pluribus explicabo, ex duplici substantia, uelu-
ti arbores ex cortice, & ex ea, quæ cortice tegitur, com-
positi, tamen non ob hanc causam, sed propter figuram
solam, cui durities & magnitudo accedit, in instrumen-
torum numero habentur. figura enim sola satis ad hoc
esse uidetur, quando tamen illa parti simplici non ideo
attribuitur, quia alterius dissimilis compositionem in-
grediatur, sed potius quia per se ipsa propriam actionem
edat; eamque propriæ figuræ gratia maxime exerceat.
quam sanè ob causam, quamuis tibix os & pleraq; alia,
conuenienti sit figura præditum, ab instrumentorum ta-
men classe excludendum est; nimirum quia actionem
obire sua ut non potest, ueluti dentes, qui ob uariam ip-
sorum figuram soli pluribus modis cibum in ore confi-
ciunt. Quod si quis rem partiri admodum subtiliter sa-
tagens, dentium actionem & usum maxillæ inferiori ac-
ceptum referat: ijsque muneribus illos non per se fun-
gi, sed ut eius partes dicat: is uero illud etiam confide-
rare debet, motum qui à maxilla obitur, dentibus infer-
uire, qui in ore recte dispositi propter uariam formam
cibum conterunt, extenuantque, & moliunt.

10.

20

22

30.

Dentium

Dentium superficies, color, figura, concavitas, substantia, quæ in ea continentur, & confectæ appendices.

Cap. II.

10 **N**Vda dentium superficies, quæ extra gingivas pendet, alba est, & nitida, à natura admirabili arte polita. Verum senio, incuria, ac morbo, liuida & subobscura pæssè fit, equis tamen exceptis, in quibus, ut Aristoteles etiam docuit, dentes candidiores fiunt. Quod vero ad formam attinet, in piscibus similes prorsus esse solent, & acuta tantum figura præditi. in ijs, qui ruminant, & plerisque alijs animantibus, qui dentes ex superiore & inferiore parte habent, quemadmodum equus, duplicis formæ sunt, incisores nimirum ac molares. Homines non solum istos, sed caninos etiam præterea habent: ideoque admodum dissimilis est humanorum dentium figura, pro ratione scilicet officiorum, quæ varia obeunt, dum mandunt. exertos autem ut apri, serratosve ut canes, aut serpentes non habent, quandoquidem animalibus quæ à peculiari dentium forma χαυλόδοντα & καρκοδόοντα Græci appellât, dentes pro armis etiam dati sunt: de quibus libet unicuique apud Aristotelem, Galenum ac Plinium plura legere. Ceterum Galeni oratio, quum ait dentium alios acutos esse, alios obtusos; & alios rursus leues, alios asperos, subobscura est, quum acutos alibi incisores, alibi caninos nominet. dicat fortasse aliquis incisores ab eo non simpliciter acutos appellari, sed acutos & latos. est id sane verum, tamen dubitationem

bitationem non prorsus tollit : quia præterquam, quod ipse unà cum Aristotele, caninos mediam quandam formam inter planos & acutos habere scribit, ij dentes illis, qui in canibus prope incisores sunt, figura non respondent. Sed hac de re plura infra. quæ enim hoc loco scripsimus, abunde ad hoc sufficiunt, nequis ambiguitate dictionis decipiatur. Nunc de concavitate agendum est, cuius causa recentiores aliqui, quasi eam inuenerint, palmam iniuria poscunt. quâdoquidem ueteres Anatomici, in quorum lectione uidentur ipsi non admodum uersati, dentes scripserunt os esse partim concavum, partim solidum; & in multis animalibus ad radices usque perforatum. quo fit, ne putem temere asserendum esse, Galenum diligentissimum naturæ operum obseruatorem huius concavitationis notitiam nullam habuisse. quamuis enim in his libris, qui hæctenus ad manus nostras peruenerunt, qualis ea quantave sit, & quid in se contineat, non explicet, tamen uix uerisimile est hominem, qui propria industria & ingenio plurima inuenit, & excogitauit, Aristotelis oratione admonitum hanc naturæ solertiam plane ignorasse; quum cauernæ dentis sæpe meminerit, quæ ad solam erosionem, ut aliqui putant, referri minime potest, propterea quod, si nihil concavitationis initio ortus dentes sortitos esse credidisset, frustra docuisset in uehementissimo dolore eorū substantiam prorsus solidam terebello tenui perforari: & Hippocratem minus accurate legisset, qui dum scribit in puero ab ulcere phagedeno eroso. concavos dentes emergere, erosionem substantiæ, & naturalem simul dentium concavitationem non obscure innuit. addere possemus eandem indicasse dum ait, nervos ac uasa penitiori dentium sedi insita, sensus alimenti & uitæ causa

excogitata esse, & admirabili opificis diligentia procurata, si quo illa loco in dētes introire ac penetrare explicasset. Cæterum concavitas ista in hominibus ad septennium, & plures etiam annos est insigniter ampla, & tenui squamma circumscripta, cereis fabricis, aut apum potius fauis ualde similis, neque, ut permulti hodie Galenum insimulantes scribunt, medullæ plenâ, sed (nisi me sensus decipit) albo quodam humore referta, qui ut mucum in pueris crassitudine & lentore referat, duritie certe illum ualde superat: & pinguedinis nihil prorsus habet, ac procedente ætate, quod alij prætermittunt, durior factus, ossis formam maiori ex parte suscipit. Vnde etiâ fit, ut in natu grandioribus dētes duplici substantia, quemadmodum arbores cortice & alia, quæ cortice ipso tegitur, cōstare uideantur: interiorque concavitatis pars fere tota oppleatur, atque ita obcæcetur, ut exiguus tantum quidam sinus infra radicem remaneat, qui partem illam, quæ extra gingiuas emergit, uix attingit. propter hanc partem dentis, quam cortici arborum assimilauimus, posteriores, ut arbitror decepti, quasdam commentitias appendices excogitarunt, de quibus, ubi dentium ortus explicabitur, commodius differemus. quo etiam loco exponetur, num interior sinus huius superficies, membranula ex tribus uasis contexta undique obducatur. nunc satis fit illud dicere, dentium concauitatem, dum ipsi absoluuntur, indies ita imminui, ut eis perfectis, & si intus exiguum quoddam ex ea remaneat, exterius certe, aut nullum prorsus foraminis uestigium, aut profecto maxime obscurum in acutiore summaque radice parte conspiciatur. Quod quum ita se habeat, ut excusatione digni uidentur illi, qui existimari possunt hanc concauitatem

propter paruitatem potius omiſſiſſe, quàm ignoraiſſe; ita iuſta reprehentione minime carent alij permulti, qui huiuſce obſcuriſſimi foraminis nulla habita ratione, neruorum ualorumque continuum ductum diſtributionem & inſertionem in eandem concauitatem ueluti facile pingunt, ita ſeſe oſtenſuros recipiunt.

Dentium magnitudo & numerus

Cap. III.

Homo multis animalibus comparatus os anguſtum habet; & dentes exiguos. etenim pro magnitudine oris dentium quoque robur, quod in figura duritięque ac mole conſiſtit, natura ſingulis attribuit. quod ſi humani dentes inter ſe conferantur, æquales profecto non ſunt, ſed alij parui, alij magni. Magnos appellare uidentur anatomici pluribus radicibus affixos, exiguos paucioribus, uni ſcilicet, uel ad ſummum duabus. utrum autem hac ratione adductus, inter exiguos, primos etiam maxillares Galenus numeret, an ſecus, ex eius uerbis difficile percipitur. quamuis enim hoc ea in parte innuere uideatur, ubi ait in media oris capedine magnos dentes eſſe, in interna exiguos, ueluti etiam in anteriore: tamen alibi molares magnos eſſe teſtatur, reliquos exiles, ut dubitet aliquis ſibi ipſum non conſtare. De numero dentium inter Anatomicorum principes non parua liſ eſt. plerunque, ut ait Hippocrates, duo & triginta ſunt, nimirum in utraque maxilla ſexdecim. Galenus in eadem eſt ſententia; inter
 dum tamen hunc numerum, ut mox dicam, uel auget
 uel imminuit. Ariſtoteles plures dentes maribus inſe

se quàm foeminis, & ijs, qui longioris uitæ sunt, quàm qui breuioris, fortasse minus recte existimauit. Postiores re hâc clarius explicantes, triginta duos uiris, triginta mulieribus assignant. cuius quidem dissensionis causam puto ego ad solos maxillares esse referendam: quia in hominibus incisorum & caninorum numerus perquam raro, maxillarû uero frequenter immutatur. ideoque quum de molaribus agemus, hac etiam de re disputabimus.

10 *Dentium sedes, dispositio, interuallum, & uincula. Cap. IIII.*

Q Vum de uniuerso genere & magnitudine ac numero dentium abunde scripserimus, ordo exoptulat, ut de situ agamus. sunt uero a nobis sedes, dispositio, interuallum, uincula, ac demum articuli species diligenter considerandæ. Humanorum sedes est extre-
 20 mus tantum utriusque maxillæ ambitus. quanquam multis belluis, sicut ferè cunctis piscibus, palatus quoque ac lingua, & nonnullis alijs uenter pro sede sunt, & quæ ruminant, ut Anatômici omnes scribunt. inferior tantum ordinem dentium habent. quod tamen nõ ita intelligendum est, ut quispiam hoc sermonis genere deceptus, putet eas superioribus dentibus prorsus carere, sed illis tantum, qui ad superius labrum pertinent. homo ab utroque horum animalium genere situdentium plurimum discrepans, eorum numero comprehenditur, quæ ἀμφώδοντα, quia utrinque dentes habent, à Græcis nuncupantur. cuius generis etiam sunt, & quæ a deuoranda carne σαρκοφαγούντα, & quæ à solidis
 30 pedibus

pedibus *μύνηχα* dicuntur. Iam uero dentium dispositio
 in maxillis talis est, ut singuli, quamuis figura diuer-
 si, quasi lyrae clauiculi extra gingiuas nudi promineant;
 eodemque in ordine collocati choream belle imiten-
 tur. etenim in piscibus una plerunque dentium forma
 est, ordo uero multiplex. in quibusdam alijs animanti-
 bus, tum figura, tum series uaria. Sunt uero recti om-
 nes, & nisi natura aberret, in neutram partem inclinant,
 usu tamen uenit, ut distractum quandoque os appareat,
 quod uel ipsi tortuosi sunt; uel à cauis flexuosis emer- 10
 gunt; uel alterum maxillarum extremum longius alte-
 ro est. Ea etiam lex in æqua eorum distributione ser-
 uatur, ut cuncta animalia, quæ natura recte formantur,
 habeant in parte anteriore incisores, proximos ijs ca-
 ninos, deinceps maxillares; ita ut incisores & acuti ex
 teriore loco, molares interiore collocentur. Decen-
 ti item & usui ac pulchritudini consentaneo interuallo
 disiunguntur: quod *ἀρμόν* Græci nominant. est uero il-
 lud non idem perpetuo in quolibet homine, sed in hoc
 longius, in eo breuius; tamen ij dentes, qui caninos 20
 suscipiunt, nequaquam, ut in simiis, longo interuallo
 ac prorsus inæquabili dirimuntur. ab eiusmodi uero
 aut raro aut spisso dentium discrimine, philosophi non
 nulli longioris & breuioris uitæ indicium sumi posse
 crediderunt. hoc sane modo dentes nudi extra gin-
 giuas pendent. Subeunt autem eorum radices que-
 dam maxillarum foramina, quibus ita ex æquo qua-
 drant, itaque adamussim respondent, ut clauī lignis in-
 fixi uideantur. hæc ipsa foramina *βότρυα*, & cauernæ ap-
 pellantur: de quibus Galenum in epitomate anatomi- 30
 co ex Marino conscripto abunde tractasse certo scio.
 Ossā autem, quæ excauata dentes excipiunt, sunt re-
 nues

nues hebetesque utriusque genę processus, qui singulis dentibus circumdati eos undique stringunt, ac ualidissime retinent, ne facile excutiantur. dicuntur hæc ossa a quibusdam phatnia, seu phatnomata, hoc est, præsepiola, à præsepum similitudine, quæ ad pecudum usum conficiuntur. quamuis non desint, qui non hæc ossa, sed concauitates, quæ dentes excipiunt, phatnia appellanda esse arbitrentur. per me libet cuilibet, curiosa uerborum contentione posthabita, has partes suo arbitrio nominare, dummodo caueat ne in ipsa re labarur. alij quidem ea non modo phatnia, sed mortariola, frena, alueolos, locellos, & caueas appellant. Cæterum singulorum dentium radices, proprijs concauitatibus, quas figura & magnitudine ipsis omni ex parte respondere dixi, ita affixæ sunt, ut moueri ne tantillum quidem possint. neruus item singulis adiunctus, quemadmodum Galenus arbitratur, ad stabilitatem confert. adsunt præterea uincula fortissima radicibus præcipue adhaerentia, quibus præsepiolis arctissime colligantur. & multifida etiam oris compago à gingiuis facta, dentes statim atque ex suis locellis emergunt, undique comprehendit: ut ipsæ quoque gingiuae ad dentium firmitatem, propter exactam compagis conglutinationem, aliquid opis præstare uideantur. Sunt uero gingiuae carnes carunculæue, quæ dentes undique circumplectuntur, & nihil habent, ut Auerrhoës scribit (modo proprie loquamur) glandulosi: quarum commissura a Ruffo habena dicta, unguium compagem apposite emulatur. Sicut enim cutis extremæ unguium parti adhærescit, ita gingiuae dentibus adiunctæ sunt. hæc gingiuarum caro utrum οὐλον ἀπὸ τοῦ ἐλαίου, quod inuoluere significat, appelletur, siquidem, ut diximus, dentibus inuoluitur,

ut eos contineat, an uero quod cicatricem feruent ex uulnere, in ortu dentium accepto, quæ Græce dicitur, alij definiant, mihi in his immorari non libet.

*Articuli & compositionis dentium
species. Cap. V.*

EA articuli species, qua dentes malis committuntur, sub synarthrosis genere comprehenditur, & gomphosis ab Anatomicis appellatur. quæ quoniam non modo gingiuarum, sed etiam ualidorum uinculorum interuentu Galeno auctore fit, non parum mihi labi uidetur illi, qui eis, quasi non extent, spretis, non modo hæc dentium gomphosis, uerum etiam omnem synarthrosis differentiam sine ullo uinculo fieri, contra eius sententiam constanter affirmant: nimirum minime intelligunt, leuissima se coniectura deceptos à communi loquendi usu recedere; & simul carpi; & aliorum quorundam ossium compositionem ab hoc genere sine causa remouere; quæ quidem certe ossa uinculis connecti ne mo inficiatur. Propter eorundem uinculorum ignorantiam complures alij perperam tradunt, dentes ipsos gingiuarum tantum beneficio cum maxillis committi, erroremque augent, dum adiiciunt, eam symphysis speciem, quam Galenus ueteres Anatomicos imitatus, *syf sarcosin* uocat, dentium tantum gratia fuisse introductam. nam si eius orationem diligenter expenderent, uariaque ipsius loca conferrēt, plane intelligerent, quæ nam sint ossa illa, quæ unius carnis interuentu coniunguntur. nec ignorarent dentium alueolorumque coniunctionem, neque à solis gingiuis fieri, neque ad absolutam symphy-

symphyſim aut exquiſitam ſynarthroſim pertinere. quā
 uis enim gomphoſis ſub ſynarthroſi à Galeno comprē
 hendatur, non tamen ut ſutura & harmonia eius pro
 pria ſpecies ponitur. quia *ἐπαμφοτερίζειν*, quo ipſe uerbo
 utitur, nihil aliud eſt, quam mediæ cuiuſdam naturæ eſ
 ſe, quæ tametſi neutrum extremorum eſt, negari tamen
 nequit quin etiam ad alterum inclinare poſſit. Quod
 autem dentes ſuis alueolis haud prorfus adhæreant,
 quando uel eruuntur, uel ſua ſponte decidūt, planè per
 cipitur. Siquidem, ut primum alimenti inopia tenuio
 res fiunt, eorundem compage latiore iam effecta, neceſ
 ſario laxantur & mouentur. qua quidem affectione ſe
 nes citius ſerius, magiſve aut minus omnino laborant.
 aliquibus item uſu uenit, ut dentes non modo propter
 ætatem ſenilem exſiccati moueantur, ſed etiam quia
 neruus radicibus ſubſtratus copioſo humore irrigetur,
 & propterea laxior euadat. Verum enim uero miror ue
 hementer cur illi, qui crimini dant Galeno, quod quæ
 in libris de adminiſtratione Anatomica ſcripſit, ad of
 ſium ſyntaxim pertinentia, ex ſecunda de partibus ani
 malium Ariſtotelis cuncta ſcripſerit, non conſiderent,
 tametſi utriuſque ſermo in multis conſentire uideatur,
 ſententiā tamen eſſe longe diuerſam. nam, ut cætera
 nunc prætereā, gomphoſis Ariſtotelis iudicio à duo
 rum oſſium concauitate fit, medio eam talo, quaſi cla
 uo, complectente, ut flecti extendique poſſint. Gale
 nus uero non hoc eam pacto effici putat; ſed quum oſſa
 naturæ ui, quaſi cunei ſeu clauī infiguntur, atque ut ipſe
 inquit, *νεγόμενται* ut ſi exquiſite infixæ ſint, moueri ne tā
 tillum quidem poſſint. Nunquid autem gomphoſis ea
 ſola oſſium ſyntaxis, in qua alterum clauo ſimile eſt, iu
 dicanda ſit, an hoc nomen illi etiam compoſitioni con
 gruāt,

gruat, quæ ad firmitudinem, quam ad figuram clauis propius accedit, temere definire non audeo. uix tamen adduci possum, ut credam ueteres anatomicos hanc ancipitem articuli speciem dentium tantum causa excogitasse. augetque meam suspicionem uerbum *ῥομφαία*, quod coniungere & conglutinare significat; quamuis ab eo *ῥόμφος*, hoc est clauis & cuneus deriuetur. Verum ne doctorum uirorum censuræ me frustra subijciam, nihil statuo: quippe qui uideam etiam solius cranij ossa, & ea quidem non omnia, futura committi.

Dentes incisores. Cap. VI.

ET si series tractationis postulare uideretur, ut de uasis ac de neruis dentium secundum genus nunc scribamus: tamen ne de eadem re iterum differamus, in commodiorem locum hac reiecta, dentium species hoc capite particulatim explicabimus. In anteriore maxillæ parte, quam Galenus externam etiam appellat, primi dentes sunt, ita ab Hippocrate & Aristotele, ut conicio nominati, non modo quia cæteros origine & ortu antecedunt, uerum etiam quia, quum alij retro ad fauces uergant, primi nobis ipsi occurrunt. quod sane Galenū spectasse constat, quādo uniuersa oris capedine in tres partes diuisa, his quidē dentibus anteriore, illis mediā, alijs internam sedem assignauit: huiusque dispensationis gratia sunt ab eo, ut incisores primi, ita postremi maxillares habiti. iidem præterea dentes, quia inter ridendum deteguntur, *γέλαινοι*, & quoniam ad cultri similitudinem acuti ac lati ad cibum incidendum sunt sua natura apti *τόμφοι* nuncupantur. Ea sanè ipsorum pars, quæ extra gingiuas prominet, à basi hinc inde angustio,

re, ante uero ac retro crassiore principium sumens, sensim latior tenuiorque ad extremum usque euadens, superficiem foris aliquantulum gibbam, intus uero simā intrā modum habet, demumque in oblongam aciem & rectam definit. Altera uero, quæ radicis forma suscepta maxillæ infigitur, contra à lateribus compressa in obtusam aciem ante ac retro definens, acuto apice terminatur; eiusque exterior superficies in adultis uel nullum, uel obscurissimum foramen habet. Sane incisores

10 exiguorum dentium numero sunt, & caninis proximi minores eis, qui ipsis adhærent. quanquam uero tenuiores alijs sint, latitudine tamen paucis cedunt, longitudine solis caninis: & in quibusdam animantibus ut in Hystrice, Echino, atque Sciuro uniuersam maxillæ inferioris proceritatem explent. Sunt autem hominibus in utraq; maxilla quaterni, duplo scilicet plures, quàm canini. Hystrici, Echino, & Sciuro gemini. Canibus

20 feni, Arietibus octoni: nempe natura eos omnium opportunitatum moderatrix, pro magnitudine oris & necessitate officij, quod præstant, dispensauit. Habent uero singulas radices, quæ alijs collatæ magnitudine ab aliquibus superantur. maiorem partem ipsæ aut superant, aut certe æquant. Denique de situ id sufficiat afferre, in extrema eos utriusque maxillæ parte sedem habere: & caninis utrinque hære. nam, ut declarauimus, non modo in homine, uerum in cæteris animantibus foris incisores, intus uero molares collocati sunt.

30

Dentes

Dentes canini. Cap. VII.

Dentes, qui incisores proxime subsequuntur, i-
circo communi Anatomicorum consensu canini
appellantur, quia canum eos dentibus similes nemo es-
se non arbitratur. quod profecto si de propria similitu-
dine loquantur, falsum esse ipsa inspectio coarguit. si-
quidem, quum in canibus post incisores duplex acuto-
rum dentium genus occurrat: & altero exerti, altero il-
li, qui triangulari forma sunt, contineantur, meo qui-
dem iudicio canini hominum à genere utroque discre-
pant. Vnde liquet posteriores Anatomicos, qui exer-
tis eos dentibus similes asseuerant, grauius errare, quàm
priores, qui ferocibus animantibus os acutis dentibus
refertissimum esse scribes, triangularibus, ut conij-
cio, caninos comparant. Verum hac de re non est ni-
mis anxie contendendum, immo concedendum exa-
ctam usque similitudinem in exemplis haud esse requi-
rendam, modo, ut hac re concessa, in maiorem difficul-
tatem non incurramus. nam quemadmodum principes
Anatomicorum docent, canini planos ab acutis, hoc est
incisores à maxillaribus diuidunt: & in propria basi gin-
giuis proxima crassi, in superiore parte acuti, mediam
quandam formam inter utrosque obtinent. Quod pro-
fecto si uerum est, uidere nequeo, quamobrem acutis
ferocium belluarum dentibus caninos hominum respò-
dere figura scribant. nam præter quam quod inconstan-
tiæ nomine suspecti fiunt, dum acutos dentes modo in-
cisores, modo caninos nuncupant; qui recte caninos
hominum intuetur fateri cogitur, non esse illos acutis
dictarum belluarum dentibus similes: neque, ut Ara-
bes

bes existimarunt, pineum nucleum forma imitari, sed
 ad incisorum figuram proxime accedere: atque ab eis
 hac solum re differre, quod mole crassiore sunt, & sine
 angustiore, & magis obtuso. quod profecto Gale-
 num latuisse credendum non est, tum quia cuius hoc
 sine anatomica tractatione patet; tum quia ipse etiam
 innuere interdum uisus est, nullos prorsus esse homini
 caninos dentes attribuendos. Ego quidem uirum eru-
 ditissimum & anatomicae artis peritissimum, maiorem
 10 usus eo loco rationem duxisse conijcio, quàm figuræ,
 ubi acutos ferocium belluarum dentes cum caninis ho-
 minum contulit. nam humani licet tam acuti non sint,
 nihil tamen impedire puto, quominus ad idem naturæ
 institutum, quod ad creationem attinet, referantur, &
 sub eodem genere ponantur, quando obtuso apice,
 quo propter angustiam cibum atterere cum molaribus
 non possunt, ad dura confringenda sunt aptissimi, &
 proportionē comedentibus non minori usui, quam
 ueri canini. Sed arbitrio quisque suo hac de re statu-
 20 at; satis mihi superque est, disputandi occasionem alijs
 præbuisse. Sanè canini dentes exiguorum numero
 continentur, ob eorumque paruitatem simiam homini
 simillimam esse Galenus scribit, & singulas radices ut
 incisores habent; altius tamen infixas robustioresque,
 & minus etiam ex anteriore parte, quàm posteriore pre-
 fectas, & angustas: illud ignorandum non est, quod quam-
 uis hæ radices proceritate singulas alias ceterorum den-
 tium superent, longioresque & acutiores superioribus,
 quàm inferioribus caninis insint, non tamen ita, uelut
 30 multi Anatomici scribunt, producantur, ut oculo-
 rum ferè ambitum attingant. ego enim, si fas est uera lo-
 qui, uix unquam uidi infimam eas alarum nasi oram
d tran-

transcendere. De caninorum numero. Anatomici non conueniunt. Galenus ea animalia, quibus potissimum dentes ad cibum mandendum usui sunt, non multos, ut carniuora, sed aut prorsus nullos, aut in singulis maxillæ partibus singulos caninos acutosve dentes habere scripsit. nimirum utrinque & ex superiore & inferiore parte unum; ita ut cuncti quatuor sint, & numero inspecto dimidia pars incisorum. Sanè Celsi sermo de numero caninorum obscurus est: nihilominus non propterea quia quaternos incisores quatuor caninis ex omni parte cingi scribit, horum numerus, quemadmodum illorum, ad alteram tantum malam referendus est. sed, si eius uerba proprie accipiantur, & recte interpretentur, etiam ipse tam superiores, quam inferiores incisores undique quatuor solis caninis cingi scribit. hæc est uera Celsi sententia; neque opus est, ut de eo excusando laboremus. Situs uero caninorum ex iam dictis facile patet; hinc enim incisori-
bus contigui, inde uero maxillaribus adhærentes, inter utrosque medij eos discernunt.

19

20

*Dentes maxillares: & dentium canis
descriptio. Cap. VIII.*

Dentes, qui in intima & tecta parte oris sunt, ab Anatomicis, non modo maxillares, sed molares etiam per translationem uocantur; quod ijs cibus uelut molis frumentum conteratur: quamuis in eo discrepent, quod molarum superior pars in orbem, dentium uero inferior acies sursum deorsum & in latera mouetur. Alij *γωμφίους* eos appellant, non quia perinde ac clau-

30

clau

clauī fixi ſint, (hoc enim omnibus dentibus æque conuenit) ſed uel ἀπὸ τῆς γομφιάσιος (quam aſperam molarum ſuperficiem Græci uocant, latini dentitionem uerunt) cuius figuram & uſum ſummæ maxillarium dentium partes elegantiffime imitantur, uel ut alij putant διὰ τὴν κάμψιν propter inflexionem, quod in curuis maxillarum partibus ſedem habeant. Aliqui eos latos propter magnitudinem, & planos propter ſuperficiem nominant, quia habent extremas partes, quas Ruſſus menſas nuncupat, diſſimiliter atque alij dentes ualde amplas. Figura eius molarium partis, quæ extra gingiuas prominet, quadrata eſt, perfectior tamen in tribus poſterioribus, quam in duobus canino proximis; quos quidem duos non errabit ſi quis quadrangulares dicat, quippe quod latiores ſunt, quam pro maxillarum productione longiores, atque extrinſecus magis quàm intrinſecus. Summæ uero partes amplitudinis ergò menſæ nuncupatæ, leues non naſcuntur, ſed ueluti in molis aſperæ & inæquales; attritione tamen æquantur, ut uidere eſt in ſenibus. ſiquidem natura eas, non quemadmodum ars in molis denuo ſcindit, & aſperas facit, ſed initio ſolum quum dentes format. Maxillares in medio ſummo unam alteramve foueam loco hæud certo habent, ſed plerunque in medio: unde fit, ut extremæ aliquot ipſorum partes emineant. duo caninis proximi ex interiori parte & extrinſecus elati ſunt, licet primus, & præcipue inferior, interno apice quandoque careat. tertius in quatuor angulis extuberrat. quartus & quintus perraro ſimiliter diuiſus eſt, ſed plerunque extrinſecus eminentias duas, intrinſecus unam tantum habet. cuius rei libuit omnes admonere, quia quanquam duo priores molares ſimix ab huma-

nis, aut nihil, aut certe parum discrepant (in ea enim primus inferior unum tantum apicem obtinet) tamen in posterioribus, hæ mensuræ secundum longitudinem maxillarum, profunda admodum linea exculptæ sunt: quam lineam altera etiam transuersa, quæ in quinto eius, quæ cauda caret, gemina est, intrinsecus & extrinsecus ad gingiuas usque protracta, interfecat. quo fit, ut singuli dentes hi, eminentias, ut plurimum quatuor in angulis (nam quinto sex sunt) tres uero foveas in medio habentes, duarum ferrarum mutuo sibi occurrentium modo committantur. quod profecto accuratissimus author Galenus explicare minime prætermisisset, si, ut de alijs ei particulis sæpius obijciunt, simiarum molares descripsisset. Cæterum quid sibi idem author uelit, quando alicubi molares, in mansuetis & timidis animalibus obtusos, in agrestibus & ferocibus rotundos, idest curuos esse scribit, haud facile potest explicari. quum enim hisce ferocibus animalibus multos utrinque acutos dentes, paucos molares tribuat, quibus nam eorum humanos caninos, quibus rursus obrotunditatem & curuitatem molares respondere uelit, ex dictis eius plane non percipitur. quamobrem præstat exponere, quo se modo in canibus hi dentes habeant, ut anatomicæ artis studiosi sententia Galeni cognita, facilius & uerius iudicare hac de re possint. Canes in inferiore maxilla tres habent utrinque incisores, & caninum unum exertum: post hunc alios quatuor triangulares, quorum primus exiguus est, & pene rotundus, tres reliqui lata basi & apice acuto constant. lineam, quæ superius maxillæ extremum spectat, instar ferræ duobus locis incisam ultimi duo gerunt. tertius a secundo magnitudine tantum exceditur, quantum a secundo

secundo primus. consequitur unus omnium maximus & ualde inæqualis; qui duos insignes apices, longo interuallo disiunctos obtinet. quorum anterior humilis est, alter multo procerior; qui præterea uersus supernum malæ extremum, portionem sibi quandam humilem uendicat, exiguo molari non ab similem. ultimam maxillæ oram duo alij magnitudine & figura plurimum diuersi occupant, quorum alter exiguus est, & molaris ob summi amplitudinē & inæqualitatem dici iure potest: alter uero longe minor & exacte rotundus cum alijs non communicat. In superiore maxilla incisores & exerti eadem forma sunt. post eos tres triangulares, non quatuor sequuntur: quorum duo ultimi una tantum linea eaque obscura interfecantur. maximus omnium post hos collocatus, duos apices longo interuallo disiunctos habet, eorumque prior sicut elatior est, ita etiam acutior. hunc alter dens haud minor sequitur, qui medius incisus eminet quidem extrinsecus, sed ex interiore parte, qua humillimus est, inæqualem molarium amplitudinem imitatur. postremus longe hoc minor, forma non admodum diuersa præditus est. Vera hæc dentium canis descriptio Galeni orationi plurimum lucis affert: simulque, ni fallor, ambiguitatem omnem tollit: & potest ex ea num reprehendi iuste possit, facile discerni.

*Magnitudo molarium, & dentium
numerus.* *Cap. IX*

AT uero molares humani, tum ob alias causas, tum maxime propter insignem amplitudinem magni

magni dicuntur, sicuti sunt, oportuit siquidem eos la-
 tis basibus stabiliri. quippe qui attritione minuuntur, &
 attenuantur. non sunt tamen omnes æque magni, sed
 ut bene Galenus animaduertit, medij maiores, qui
 utrinque collocati sunt minores, tertius omnium maxi-
 mus, quo tamen in simia quartus & quintus maior est.
 Illud etiam prætermittendum non est, quod in illa, quæ
 caudam non habet, quintus inferior, qui sex apices ob-
 tinet, ac dimidium penè dentem adiunctum, omnes
 alios longe excedit. quod quidem additamentum in 10
 homine certè perraro, si tamen unquam inuenitur, in 101
 quarto aut in quinto superiore, potius quàm inferiore cõ-
 spicitur, quando scilicet sagax natura plures molares ef-
 ficere contendens, loci angustia eos dirimere absolue-
 reque impedita, necessario simul iungit. Sed quoniam
 asseruimus uarietati opinionum, in qua sunt de nume-
 ro dentium Anatomici, maxillares occasionem præbe-
 re; oportet hac nunc etiam de re copiosius differere.
 Natura, quæ pro amplitudine angustiaue scissuræ oris,
 cunctis animantibus plures paucioresve molares & in 20
 ciores atque etiam acutos tribuit; homini, cui os angu-
 stissimum est, cuique præcipue dentes ad cibum mandē-
 dum usui sunt, iure multo plures molares, quàm inciso-
 res dedit; ferocibus autem aut nullos, aut paucos. inci-
 forum item caninorumque numerus idem semper est
 & definitus, molarium secus. quamuis enim plerunque
 tã ex superiore, quàm inferiore parte quinq; utrinq; sint,
 cuncti scilicet uiginti: interdum tamen quaterni aut se-
 ni sunt. de qua uarietate, quum Galenus aperte scripse-
 rit, eaque quod sciam, in simia uix unquam conspiciat- 30
 ur, & in homine non ita raro appareat, consequens est,
 ut id ab eis, qui illum studiose reprehendunt, & homi-
 nes

nēs secūisse inficiantur, non sit consideratum. Verum
 nē quid ex his, quæ aliquam utilitatem afferre possunt,
 intactum relinquatur; quam ob rem numerus molariū
 diuersus sit, curve de eo tam uarie Anatomici fere om-
 nes scribant, explicare aggredior. Qui molares quinos
 utrinque plerunque esse affirmant, hi duos & triginta
 omnes statuunt dentes. qui cunctos uiginti octo nume-
 rant, hi uero hoc mihi spectasse uidentur, quod postre-
 mi quatuor maxillares, nec in omnibus, nec in eodem
 tempore erumpunt; sed persæpe inter alueolos imperfe-
 cti latitant; interdum uero ne formantur quidem a natu-
 ra: qua ratione adductum Aristotelem credi potest di-
 xisse aliquando, omnes homines totidem dentes non
 habere. quod innuere Galenus etiam tacite uidetur.
 quamuis huic soli rationi non acquiescens scribat alibi
 dentium numerum non esse definitum, sed pro ratione
 maxillarum longitudinis aut breuitatis uariare, testatus
 se non modo quinos, uerū etiam senos molares, utrin-
 que ex superiore & inferiore parte uidisse; &, ut paulo
 ante scripsimus, in quibusdam etiam quaternos. ego
 quidem ternos tantum in amplissimo quodam Cardina-
 li obseruaui, qui certe numerus omnium minimus est,
 etiam in puerulis. causam opinabar esse, quod natura
 uel propter breuitatem maxillarum, uel propter inopiā
 materiei, uel propter imbecillitatem illius facultatis,
 quæ partes fingit, genuinos dentes & primos molares,
 qui a septennio erumpere consueuerunt, ut facere solita
 est, non formauerat. Iam uero molares post caninos,
 quod superest maxillarum ad extremum usque occupa-
 pant; in omnibusque animantibus intrinsecus, sicut inci-
 sores extrinsecus, locati sunt. quam ob causam, non
 modo Galenus, uerum etiam Hippocrates, & alij Ana-
 tomici

tomici, quando dentes numerāt, fere ſemper ab inciſo-
ribus incipiunt; hoſque primos, molares poſtremos fa-
ciunt; quorum tum ſitu, tum generatione ultimi ſophro-
niſtires appellantur; quia eo tempore, quo moderatos
temperatoſque nos eſſe oportet, oriuntur: creanteres
etiam ab alijs ac genuini dicuntur: tamenſi alios quoq;
dentes Ruſſus creanteres appellat. molares omnes Ci-
cero genuinos. proprium eſt horum dentium, ut poſtea
dicemus, non ſolum alijs iam pridem abſolutis erumpe-
re; uerum etiam haud ita raro uel perforatis tantum gin-
giuis uix prominere; uel eis adhuc integris. in ſuis ca-
ueis latere; uel etiam à natura nulla ex parte creari.

*Radicum, quæ molaribus inſunt, varia for-
ma in homine & ſimia. Cap. X.*

HIs expoſitis tempus iam eſt, ut de molarium radi-
cibus ſcribamus: de quarum numero & ſi quæſtio
uidetur penè inextricabilis, tamen quantum ueritas ip-
ſa patitur, & prudentes integrique iudicij homines po-
ſtulare poſſunt, conabor & pro uiribus elaborabo, ut
eam explicem: & difficultates omnes nodosque expe-
diam. Eſt autem operæ precium Anatomie ſtudioſos de
quibuſdam antea admonere, quæ ab alijs prætermiſſa
ſi ignorentur, facile fieri poſſet, ut ancipiti contentione
distracti uel de ueritate certarent, uel erroribus inuol-
uerentur. Scire igitur oportet, maxillarium radices in
homine, non eadem perpetua forma fingi & distribui,
ſicut in ſimia; ideoque minime poſſe de eis definire ſcri-
bi. eſt uero apprime utile, quemadmodum ſe in ſimia ha-
beant, expendere, quo quilibet poſſit de hiſ, quæ à Ga-

leno & alijs scribuntur facile & uere iudicare. Ergo nō in ea tantum simiarum specie, quę cauda caret, sed in singulis, ut in sex sceletis nunc obseruo, singuli molares superioris maxillę tres radices habent, inferioris uero duas, quinto excepto, qui ^{si quis} in altera simia quum sit, tribus etiam ipse radicibus firmatus est. maximas omnium quartus obtinet, sicut maximus ipse etiam est. magis teretes & tenues atque etiam acutiores in duobus sunt, qui post caninum statim collocantur. Omnes præterea magno interuallo disiunguntur, non quidem æquali, sed quemadmodum in triângulo longiori in fine, quàm in principio. adhærent autem in maxilla inferiore proprijs alueolis affixę secundum ipsius longitudinē: in superiore uero duę ex ipsis ad partem exteriorē uer-
 10 gunt, una ad interiorem, è regione spacij, quod mediū est inter duas priores. In homine longe secus se res habet. nam, ut à numero incipiam, haud raro maxillares plures radices habent, quę tamen intuentibus speciem præ se unius ferunt. Aliquando enim eorum aliquis, ut
 20 in secundo ego & quinto maxillę inferioris obseruauī, qui omnium Anatomicorum consensu ob eius magnitudinem multipliciter findi deberet, simplicem tantum radicem obtinet, eamque uno foramine peruiam. & tamen quia radix crassa, foramen autem latius etiam est, quàm deceat, nemo integri iudicij uir inficietur, sapientissimum opificem, numerum magnitudine compensan-
 30 tem, pro multis exiguis unam in hac dētium specie magnam effingere. quod Hippocrates uel quisquis ille fuerit quarti libri de morbis popularibus author, non
 40 ignorans, septimum dentem radicem unam crassam eādemque acutam habere scribit. His proximę sunt radi-
 ces

ces lata, & in medio compressa. sæpe enim earum multæ hanc ob causam amplam rotunditatem in latitudinē mutant, cuius duæ extremæ partes, quum se mutuo occursu tangant, foramen angustum & oblongum efficitur, quod in medio ferè obcæcatum duos paruos canaliculos utrinque obtinet. has tu radices tuo arbitrio uel unius uel plurium loco habeto, modo scias, si duas esse neges, minime posse eum radicum numerū, qui multis molaribus debetur, usque assignari. Aliæ præterea radices, uel æquali uel inæquali superficie sint, quia nullo diuisionis uestigium in exteriori earum sede apparet, unius speciem habent, in quibus nihilominus intrinsecus duo triaue foramina tenuissimis squamis discreta elegantissime incisa sunt, miro naturæ artificio fauo melius quā simillima, ut in quinto molari tria, & in pluribus alijs duo foramina habētibus quandoque uidi. Sæpe etiā occurrunt, qui radices aut cónatas habent, aut uix inchoatas. cónatas eas uoco, quæ undiq; & sine aliquo medio iūctæ exactam formam habent; disiunctæ cōtinuo squamæ interuentu nihilominus coeunt. id quod in tertio & quinto maxillæ superioris sum ego sæpius intuitus. Radices uix inchoatæ rudiori linea, uel utrinque, uel in altero tantum latere, aut leuiter designatæ conspiciuntur, aut alte sculptæ. Aliæ nullis discretæ lineis, instar cornu apice bifariam trifariamue scisso finiuntur. Nec raro reperitur radix una pluribus ex his, quæ narrauimus, signis prædita. Harum insuper radicum figura, magnitudo ac situs, quæ in simia plerunque certa lege constant, in homine æque uariant. nam aliæ teretes, acutæ, rectæue sunt: aliæ planæ, obtusæ, & curuæ. planas radices obseruauit Hippocrates in Hegesistrato: in flexas

10

20

03

flexas ad internam partem, seu hamatas & aduncas in
quodam alio. nos plures incuruatas uidimus, aut cuspi
de inuicem occurrêtes, aut aduerso tramite inclinatas,
aut instar S literæ hinc inde dupliciter flexas. Magni-
tudo non modo in singulis molarium radicibus eadem
non est, uerum neque in unaquaque semper tanta, quan-
tam ipsorum dentium moles postulat, inspicitur, nec
dens superior inferiori oppositus æque magnus est, nec
dexter sinistro perpetuo æqualis. cernes enim radices
10 tum in diuersis molaribus, tum in altero tantum nunc
crassissimas, nunc angustissimas, alias breues alias lon-
gas: nonnullas latissimas & tenues: nec raro accidit, ut
extrema pars peruerso ordine crassior trunco sit, & loco
acutæ cuspidis rotundum tumorem habeat. interdum
iuxta basim dentis radix uix inchoata instar furculi à trū-
co pullulat, plerunque tamē superiores longiores sunt,
inferiores autem breuiiores. Postremo situs harum ra-
dicum non minus uariat, quam figura & magnitudo:
neque enim æquali spacio, ut in simijs, inter se distant;
20 sed Aliæ se mutuo tangunt: Aliæ uicinæ sunt; Aliæ lon-
go interuallo disiunguntur. quod quidem tertiorum dē-
tium, præcipueque superiorum proprium est, & secun-
dorum, qui initio creantur, & septennio peracto cadunt.
Aliæ distant quidem, quum nascuntur, sed incuruæ sunt,
sibiue inuicem ita occurrunt, ut extremæ partes uel se
mutuo tangant, uel aduersa euntes uia, magis magis-
que usque disiungantur. hæ si quando ferro eruiere den-
tes oportet, franguntur mediæ, & hominem maxime cru-
ciant. Demum molarium radices, quum tres sunt, &
30 in superiori præcipue maxilla, non aliter atque in si-
mijs una ad interiorē, duæ ad exteriorē partē uergūt:

quum duæ tantum, in maxilla inferiori secundum eius longitudinem foramina, in quæ figuntur, incisa habent, in superiore uero concauitati, quæ extrinsecus & intrinsecus exculpta est, adhærescunt.

Numerus radicum molarium in genere. *Cap. XI.*

ARbitror ex ijs, quæ de radicibus molarium summatim diximus, unicuique patere in homine non æque, ut in simia, facile esse de eis definire. & quemlibet intelligere, quam ob rem Anatomici uarie de illis scribentes, controuersias non paucas introducunt. nunc sigillatim de ijsdem differendum est. Galenus hac de re agens, inferiores molares una semper radice à superioribus sibi oppositis superari, hosque plerunque ternis, illos binis constare, hisce uerbis pronunciauit. Ex maxillaribus, qui maxillæ superiori infixi sunt ternis, qui inferiori binis radicibus adhærescunt; nonnullis tamen exceptis, qui supra sæpe cum quaternis, infra cum ternis radicibusprehenduntur: præsertim duo omnium primi interiores: tertius perraro eiusmodi esse inuenitur. hætenus Galenus. quæ oratio perplexa est, & neque in homine, neque in simia uera esse usquequaque potest. nam, ut duo primi molares ternis radicibus in superiori, duabus in inferiori maxilla firmati sint, simiæ non hominis proprium est. quemadmodum, ut quarto & quinto quatuor interdum infint, ei magis quam simiæ conuenit, ueluti sectione facillime percipitur. iccirco Galenus dignus reprehensione uideretur, si in libris de

usu partium, in quibus se de homine tractare proficitur, eandem sententiam confirmaret. Verum quia in illis, nulla superioris inferiorisve maxillæ habita ratione, paruis unam radicem, duas tresve maioribus, quatuor maximis inesse scribit, aut excusandus est, aut certe, nec tam grauitè, nec tam seuerè accusandus. quum præsertim, qui eum calumniantur hac ipsi in re multo foedius labantur. quæ quidem cuncta sunt à nobis, ut ueritas magis elucescat, diligenter expendenda. Itaque si parui dentes hoc a magnis differunt, quòd illi una radice, hi pluribus continentur: duosque primos molares inter paruos a Galeno numerari concedimus, cur ex ijs aliqui unam, duas, tresve radices interdum habeant, alij uero perpetuo unam, explicari profecto facile non potest. Præterea quum idem author alibi statuatur, cunctos molares in magnorum dentium classem referendos, ex eisque medios omnium maximos, alios uero utrinque collocatos minores esse scribat, sibi ipse parum constat. & quauis id, quod asserit, in hominibus uerum, in simijs falsum esse obseruetur (in quibus quartus & quintus magnitudine tertio non cedunt) tamen ipse permanere in sententia non uidetur, quum naturæ æquitatem Hippocrate duce sæpe laudans, dentibus pro ipsorum magnitudine, quam oris latitudine uel angustia metitur, aut unam aut plures radices tribuit. ita siquidem ait, quia media eiusdem oris sedes amplissima est, interior uero quemadmodum anterior contracta, angustis maxillarum partibus exiguos, latissime magnos dentes infixit. quod sanè, si, ut æquum eidem Galeno uideatur, ita quoque uerum esset, ex situ magnitudine dentium dimensa, duo postremi molares, duobus prioribus minores

nores essent ; eisque aut una radix , quemadmodum incisioribus in alia extrema maxillarum parte positis , inesset , aut saltem pauciores , quàm duobus illis , qui caninis contigui sunt ; quum hi non longe à medio longitudinis ductu utrique maxillæ adhærèant , illi in altero extremo sedem habeant . Eiusdem item naturalis æquitatis ratione habita , superiore maxillares , oppositos inferiores , qui in magnitudine , aut nihil , aut uix præstant , una radice non superarent . Iam igitur liquido apparet , quàm difficilis & lubrica sit hæc quæstio , quum quocun-
 que te uertas labi necesse sit , & offendere . nimirum si ex
 situ dentium ut magnitudo , ita radicum numerus æstimandus est ; duobus postremis neque tanta moles , neque tot radices debentur . sin ex radicum numero magnitudo dentium , expenditur , tantum abest , ut duos prædictos interiores duobus , qui caninis sunt contigui minores esse deceat ; ut etiam tertium magnitudine interdum superare oporteat . Verum cum Gale-
 no benigne agendum est , non tam subtiliter & austere
 eorum , quæ dixit ratio poscenda . siquidem dum uarios
 particularum usus explicare studet , ut summam cunctis
 in rebus naturæ æquitatem patefaciat , ad æquilibritatem sane (*ισοσυλαι* ita si lubet appellemus) sæpe confu-
 git : probabilibusque argumentis & rationibus utitur .

10.

20.

Cuiusque molaris radicum numerus.

Cap. XII.

SEd expedit etiam minutius & subtilius de horum dentium radicibus tractare : simulque uidere num Ga-

30.

leno

lèno infenfi de eis recte explicauerint . putant hi duos molares superiores, canino denti proximos, duabus tantum inniti radicibus; tres reliquos tribus. sicut etiã duos inferiores canino contiguos una, tres reliquos duabus. neque animaduertunt cõditionem duorum molarium, qui post caninum statim occurrunt, longe diuersam esse, quàm aliorum: solique primo inferiori multas radices negatas esse, una scilicet tantum ei concessa, illaque semper fere simplici, raro bicorni, aut lineis sculpta, quã tamen superiorum multiformes sint, & primus non unam tantum, sed etiam duas nunc uicinas nunc distantes, immo tres quoque aliquando habeat. Secundum molarem in prima creatione cum alijs oriri, ac post septennium decidere, altero in eius locum subrogato, qui radicum numero ab eo plurimum discrepat, omnes pro pmodum anatomici ignorant, ideoque de illis minus recte decernunt. qui enim initio oritur in inferiori mala duas, in superiori tres radices, longo intervallo distãctas perpetuo habet, inter quas dens suscipitur, qui post septennium renascitur, & in eius locum substituitur. atque is dens in utraq; mala una plerũque & simplici quidem illa radice nititur, uix unquam lineis sculpta, aut in parte extrema proceritatibus cornubusve ornata. Vtrũ autẽ Author quinti libri de morbis uulgaribus hũc quatuor radices habere uiderit, an illum, qui decidit, frequens te anatomes tractatio docere poterit. Tertius omnibus maior insigniores radices in inferiore quidem maxilla duas, in superiore uero tres, maxime omnium discretas, secundo, qui decidit excepto, plerunque ob

10
20
30

tinet. quamuis enim earũ numerus minus in hoc, quàm in aliquo molari uariet: id tamẽ in homine, ut in simia, perpe-


perpetuum non est; sed interdum aut utraque maxilla
tres radices, aut mutata conditione, duas in superiore,
tres in inferiore obseruamus: quatuor ego adhuc nun-
quam uidi. cæterum huius dentis radices hinc inde cō-
pressæ latiores fiunt, idque in inferiore, quàm in supe-
riore mala clarius inspicitur. quod si tertia radix adsit,
quæ in partem interiorem uergit, non à lateribus, sed
præter morem ante & retro depressa amplior euadit.
Quartus & quintus molaris sæpe tertiū imitantur: bre-
uioribus tamen minusque discretis radicibus fulcun-
tur, sed minime, ut multi putant, paucioribus: quam-
uis enim natura in eis formandis maxime uariet, uerū
tamen non duas tantum tresue eis radices tribuit, sed
etiam quatuor: quas mihi usu uenit ut in his solis uide-
rem, & potissimum in quinto. Neque uero ignoran-
dum est tres radices bene discretas & æquabilis magni-
tudinis in alijs, quàm in tertio & secundo, qui decidit,
raro cerni; & adhuc rarius quatuor eiusdem conditio-
nis in quinto: accidit enim plerunque, ut una aut altera
ipsarum uel exigua & obscura sit, ita ut quasi surculus
iuxta basim inchoata pululet, uel alijs uario modo iun-
gatur. Sunt sane hæc de radicibus molarium satis mul-
ta, quæ sequens Elenchus breui summa complectitur,
congruoque ordine disponit.

E L E N C H V S.


Significāt hæ litteræ

<p>{</p> <p>M. S.</p> <p>M. I.</p> <p>M. V.</p> <p>}</p>	<p>Maxillam</p>	<p>{</p> <p>Superiorem</p> <p>Inferiorem.</p> <p>Utranque.</p> <p>}</p>

Variis radicū numerus in molaribus dentibus quot modis obseruatus.




A. Vna radix quibus molaribus inest. & quæ qualisve ea ē.



f D. Plu-


D. Plures radices disiunctæ quibus molaribus insunt, & quæ qualesve eæ sunt.




F. Plures radices non prorsus disiunctæ, sed earum aliqua ubique coniunctæ, quibus molaribus insunt.



Dentes molares quot nam radices habeant.





*Proportio & Symmetria dentium utriusq;
maxillæ. Cap. XIII.*

ADmirabilem quandam proportionem ac symmetriam utriusq; maxillæ dentes inter se habere Galenus non semel testatus est: infernosque supernis, ac dextros sinistris, magnitudine numeroque esse prorsus æquales, & præterea radices radicibus, præsepiola præsepiolis, uincula uinculis, neruos neruis, uasa uasis, inter se collata summam naturæ æqualitatem, paremque gradum præferre. quod sanè à nobis accuratè expendi debet, ne uerbis à tanto præceptore sine ulla distinctione prolatis quispiam deceptus, facile in errorem incidat. Si, quemadmodum ipse statuit, inferni dentes supernis, prorsus æquabiles sunt, radicumq; numerus pro eorum mole uariatur, quamobrem his plures, illis uero pauciores radices inesse dicat, assequi ne coniectura quidem possum. Præterea si dedecet internam oris capedinem, quæ sane ueluti anterior angusta est, æque magnos habere dentes, ac mediam ad buccas collocatam, quæ est insigniter ampla (iniquum enim esset arctioribus oris partibus magnos, latioribus uero exiguos affigere) qua ratione, ut iam monuimus, duo primi molares alijs duobus in ultimo maxillarum extremo positis longe minores sint, difficile est explicare. De illa æqualitate, quam in dētium numero idem Galenus statuit, quæstio est pene, ut opinor, inextricabilis. etenim si quis ueritatis studio impulsus plures, ut ego feci caluarias ac maxillas ruperit, obseruare poterit nunquid repugnet in hac quidem mala, pariterq; in altero eius latere quatuor, in illa uero

uero & in altero opposito latere quinque molares inesse. arbitror ego quidem eū his partibus diligenter collatis, quod de hac æqualitate sine distinctione asseritur, perpetuum non esse facile inuenturum; sed interdū alio molari superaddito triginta & tres dentes numerari: quandoque uno minus nato numerum minorem esse: multisq; alijs modis hanc dentium æqualitatem tolli. neque uero ad genuinos confugiendum est, quia & si omnes eodem tempore non erumpunt, certè sæpe euenit, ut unus aut alter ipsorum in maxillarum caueis non latitet, sed prorsus deficiat. Dētiū radicibus nulla maior æqualitas, quam præsepiorum assignari potest. horum enim capedo illarū magnitudini ac figuræ adamussim responderet; neq; amplitudo harmoniam laxiorē reddit, neque angustia radices quominus ad imum usq; pertingant prohibet. Quātum ad alias differentias attinet, quæ ad numerum magnitudinem & figuram spectant, eadem radices ita inter se distinguuntur, ut non modo superiores dentes ab inferioribus oppositis sæpe discrepent, sed & dextri cum sinistris non consentiant. Alia denique naturæ æqualitas in concursu dentium, præcipue dum mandimus, obseruatur. siquidem inferioris maxillæ dētes, quum sursum illa fertur, superioribus obuiam eunt, atque ita committuntur, ut singuli incisores, canini, & molares, cum è regione oppositis, eodem tamen ordine collocatis, mutuo quodam amplexu æqualiter congregiantur: nisi (quod haud raro euenit) uel altera mala longior sit; eiusque antè extremum magis promineat; uel dentes obliquis maxillarum sedibus infigantur: quam ob causam Galenus animaduertisse testatur in multis non dentes solū distractos uideri, sed os quoque ipsum pene reuulsum. ubi autem nihil impedi-

menti

menti adest, tunc inferiores incisores à superioribus comprehenduntur; & in congressu usque ad medium in multis hominibus atque etiam ulterius descendunt. Ex caninis elatiores inter proximos molares, & humiliores caninos penetrant: qui uero inferiori maxillæ adhærescunt, inter caninos & uicinos incisores subintrant: quæ in parte simia ab homine plurimum discrepat, quia non similiter, ut ille, omnes dentes contiguos parique spacio discretos habet, sed longo interuallo, ad caninos tamen suscipiendos satis idoneo disiunctos. Anterior superiorum molarium eminentia similiter atque incisorum humiliores complectitur: singulique ita gradatim committuntur, ut alter cuiusque apex in medium concavitate dentis oppositi inseratur: alter uero in id spaci-
 10 quod inter utrumque dentem est, id quod in simia clarius apparet, quia eius molares ita incisi sunt, ut amplexui duarum ferrarum mutuo occurrentium eorum congressus sit simillimus.

Materia ex qua dentes generantur secundum communem opinionem Philosophorum ac Medicorum. 20

Cap. XIII.

DE generatione dentium, ut rerum ordo postulat, modo dicturi, materiam & tempus exponere potissimum oportet. Qui eos post alia ossa produci, & contra ossium morem toto uitæ curriculo augeri putant, ij
 30 neglecto communis sensus iudicio, rationi, maiorum testimonio confirmatæ cedere coacti, ossium dentiumque materiam

materiam longe diuersam esse firmissime asseuerant. ne-
 pe sidentes ad proprium proximumque ossium genus
 pertinerent, ex semine quoque generationis initium eo
 dem tempore sumerent. Verum Galenus ex nutrimen-
 to eos creari simpliciter dicit: Aristoteles ex terrena
 substantia ossiumque alimento beneficio caloris & præ-
 cipue eius, qui in lacte est. Hippocrates apertius rem
 explicans, sicut tribus diuersis statisque tēporibus pro-
 duci, ita triplex eis alimenti genus materiam submini-
 strare putat. Primi quidem dentes, inquit ipse, nascun-
 tur à uictu in utero, & postquam natus fuerit, puero la-
 ctenti à lacte, ubi autem ij exciderint, à cibo & potu,
 quicquid sanè, ut idem ipse scribit, in eiusmodi alimen-
 to glutinosi inest, id totum pinguedine, quæ in hac, quæ
 in ossiū materia copiosior est, caloris ui exsiccata & exu-
 sta ad dentes formandos subijcitur. quod profecto fie-
 ri posse uix credibile uideretur, nisi mediam quandam
 naturam inter partes carnosas & spermaticas, quas den-
 tes summopere emulatur, peculiari quodam beneficio
 sortiti esset: simulque is sanguis, uel superfluum potius
 alimentum, ut ex dentibus, qui renascuntur, & præser-
 tim ex genuinis planè percipitur, quandam seminis fa-
 cultatem, unde partes finguntur, intra se haberet. Sed
 obijciat aliquis haud posse longo tempore, neque ad se
 nequitiam usque eam uim perdurare, quia necesse esset,
 ut uel in maxillis ipsis contineretur, uel in materia, ex
 qua dentes fiunt: quorum neutrum fieri posse uidetur.
 non illud, quia sialia omnes animantis particulae ea fa-
 cultate prorsus destituuntur, in maxillis, quæ eiusdem,
 ac reliqua ossa naturæ sunt, post longum temporis spa-
 cium idem accidat oportet. nec item hoc, quoniam eius-
 modi materiam in prima generatione præparari, & qua

si seminarium quoddam referuari Anatomicorum sen-
 tentiæ maxime repugnat, quotidie autem nouam ma-
 teriam attrahi, quæ deinceps à maxillis elaboratur, ue-
 rum est: attamen ea facultas, qua ipsæ priuata sunt, ac-
 cipi ab eis minime potest. præterea hac re concessa,
 semper possent dentes quemadmodum caro ex sangui-
 ne restitui. Prima sane quæstio perdifficilis est, & expli-
 cari uix potest. etenim si cunctorum dentium materia
 eorum etiam, qui aut renascuntur, aut sero erumpunt,
 in utero asserimus initio generationis præparari, & for-
 mam, ut in plantis obseruatum est, rudi linea inchoatâ
 sensim postea, aliquorum citius, aliquorum tardius à
 natura absolui, haud profecto longius a ueritate absum-
 mus. ueruntamen inuentum istud nostrum, est cunctis
 Anatomicis incognitum, & difficultates multas habet:
 estque à ueterum opinione, quorum testimonio usi su-
 mus, alienum. Sin, ut ueterum sententiam tueamur,
 affirmare libet, dentium materiam inter semen & san-
 guinem mediam quandam naturam obtinere, ideoque
 quum in illis, qui adhuc crescunt, facile possint solidæ
 quædam particulae ex semine ortæ regenerari, nihil pro-
 hibere quo minus & ipsi restituantur. hoc uero uerisimi-
 le certe est, sed haud omni ex parte uerum, ut anato-
 mes usus & tractatio clare ostendit, & mox dicemus. Alre-
 rum, quod de carnosus partibus obijcitur, leue est: quia
 illius uirtutis, quæ partes fugit munus est, tum materiâ
 unam in aliam commutare, tum decenti forma particu-
 las ornare. illud carnosus partibus conferre potest: hoc
 uero si prorsus ablatae fuerint, nequaquam: quandoqui-
 dem in magnis ulceribus musculorû obseruatur, absum-
 ptam carnem, nisi stamina, quibus obducitur, illæsa con-
 feruentur, accedatque uicinarum partium auxilium, &
 periti

periti medici industria, nunquam pristinam figuram recuperare. quo fit, ut eadem ratione concedamus sanguine siue malarum potius alimento, si copiosum, immo si superfluum sit, dentium substantiam usque reparari. minime uero dentes ipsos iterum creari: nisi concedamus seminarium quoddam uirtutis, quæ particulas fingat in illo semper contineri. Nunquid autem propter huius materiæ copiam, quæ a foetu cum eiusdem facultatis seminario ad malas matris proficiscitur, prægnantibus dentes renascantur, an minus, curiosis inquirendum relinquo. Sed quærat fortasse aliquis, si hoc maxillarum excrementum, alimento ossium copiosius est, quæ ambrem fracti dentes, ueluti ossa callo non obducantur: imminuti, quamuis augeantur, pristinam tamen magnitudinem nunquam recipiant: scissi nec uniantur amplius nec crescant: denique erosi perinde, ut carnosæ partes curationem non admittant. Facilis est explicatio, nam præterquam quod dentes nudi sunt, & ambiētis aeris frigiditas eos ualde impedit, nullus humor, aut certe maxime tenuis, & ad cōiungendas partes ineptissimus, a calore, quem exiguum habent, exprimi fundive propter substantiæ dēsitatem & siccitatem potest: immo etiam, si humor non deesset, sed usque in exteriorum eorum partem penetraret, quum hæc pars lubrica sit & durissima, & uicinæ nihil materiæ suppeditent, fouendoque aut cogendo nihil auxiliij ferant, minime ulla fieri posset conglutinatio. ergo ossium & dentium ratio par non est, sicut nec conditio: ossa enim minus densa sunt, & a partibus contiguis fouentur, humoremque eliciunt. Sed instabit rursus aliquis, si dentes tumore affici præter naturam possunt, poterunt & callo etiam obduci. Hoc uero ego fieri posse non inficior, ita tamen

raro, ut ab Hippocrate loco miraculi fecitetur. Quod uero fracti dentes, quamuis si naturalem statum retineant, fere semper augeantur, pristinam tamen magnitudinem non recipiant, haud inopia alimenti, sed uicio partis accidit. etenim nutrimento pars, quæ existit, augetur, & conseruatur; si deficiat, non reparatur denuo, nec formatur. Scissura & erosio ob easdem ferme causas non coalescunt: nec de dentibus & unguibus fissis, qui exempli causa à nonnullis adducuntur, par iudiciū est: quoniam præter quam, quod ungues molles sunt ac tenues, altero etiam plano subiectis partibus adhærescunt, indeque fit, ut materia undique attrahi ac diffundi possit. Hæc de materia dentiū ex Principum Anatomicorum sententia abunde sufficiunt: si quem tamen iuuat ea, quæ in dissectione apparent audire, is quæso animo mihi non perturbato adsit, & quæ enarro attente consideret.

Dentes, tum qui primo oriuntur, tum qui renasci creduntur, in utero formantur. Cap. XV.

Diuinus Hippocrates, qui tametsi artem medicam morte præuentus perficere non potuit: tamen ut peritus architectus, & diligens agricola firmissima eius fundamenta posuit, atque optima semina iecit: primos dentes a uictu in utero nasci ante omnes alios scripsit. cuius ego autoritate compulsus, hac de re certior fieri cupiens, plures abortiuos foetus secui, & diligentissime demum obseruaui, eisque dentes in utero nasci uerum esse deprehēdi. in pueris autem recens natis, alios

dentes

dentes lactentibus a lacte, postremosque ubi hi excide-
 rint, à cibo & potu gigni maxime falsum, siquidem foe-
 tu simul atque editus est, dissecto, aperta utraque ma-
 xilla, occurrunt incisores, canini, ac tres molares, nimi-
 rum secundus, tertius, & quartus; partim mucosi, par-
 tim ossei non obscuræ magnitudinis, suisque præsepio-
 lis undique uallati: incisioribus autem & caninis docta
 manu detractis, tenuissimum interstitium uix osseum fa-
 ctum conspicitur; quo pari diligentia amoto, obuiam
 10 ueniunt totidem incisores & canini penè mucosi & lon-
 ge minores, qui post alios priores in proprijs caueis la-
 tentes, singuli singulis è regione oppositi collocati es-
 sent, nisi utriusque maxillæ caninus magna ex parte pro-
 ximo incisori incumberet, eumque propterea fere oc-
 cultaret. primorum molarium & genuinorum, qui cir-
 ca septennium ac longe etiam postea oriuntur, fateor
 me nullum uestigium uidisse. uerisimile tamen est, ratio-
 nique consentaneū eos perinde ac secundos incisores
 & caninos rude quoddam, sed minus perspicuum ini-
 20 tium ortus in utero sumere, sensimque postea similiter
 formari & absolui. Et enim si ex similibus similia, & dis-
 similibus dissimilia inducere licet, nihil est quam ob rē
 eos potius, quàm illos, qui eodem tempore atque etiā
 postea renasci dicuntur, ex diuersa materia fingi affir-
 mus. Præterea si circa septennium molares caninis pro-
 ximi, extrema etiam senectute genuini producerentur,
 non modo fateri oporteret seminariam quandam facul-
 tatem, quæ dentes fingit in maxillarum ossibus ad extre-
 mum uitæ tempus reservari, id quod recentiores Ana-
 30 tomici asserunt, & Aristoteles innuere uidetur, dum
 dentes regenerari iccirco posse scribit, quia in osse ad-
 huc nascente oriuntur; uerum etiam neruos, uasa, uincu-
 la, inter-

la, internasque membranas, quæ spermaticæ partes sunt, & dentium constitutionem ipsorum iudicio absoluunt, eodem tempore contra naturæ legem produci: quod quidem absurdum haud facile euitari potest, nisi eos etiam dentes, qui aut nascendo, aut renascendo post alios erumpunt, rudem quandam formam cum alijs accipere initio generationis asseueremus: Sed urgebit aliquis, quam ob rem si omnium dentium materia eadem est, idem agens, idem locus, tempus denique quo formari incipiunt, non dissimile, alij cito absoluantur, & loculos egrediantur, alij diu latitent, & sero perficiantur. Id sanè uero admirari magis possumus, quam perspicua aliqua & firma ratione explicare: probabile tamen est, sapientissimum animantium opificem, omnium oportunitatum moderatorem permittere, ut quemadmodum maiores magisque uegetæ plantæ minoribus proximæ, uniuersum fere alimentum præripiunt, ita etiam priores dentes omnem pene humorem posterioribus subtrahant: quod inde potissimum euenire credendum est, quia uirtus, quæ posteriores hos dentes format, indies minuitur, hebetiorque euadit: ipsique primis longe minores, ac molliores, angustissimo loco coacti, sero perfici & augeri possunt: & ad superiorem demum maxillarum sedem iam præoccupatam, prioribus non expulsis, & maxillis minime auctis nequeant ascendere.

Expenduntur rationes Hippocratis et Aristotelis de materia dentium et de tempore ortus eorum.

Cap. XVI.

10 **E**X hac uera dentium narratione facile est Hippo-
 01 cratis & Aristotelis rationes de generatione den-
 tium expendere. ille enim quanquam aliquot dentes in
 utero produci scripsit, tamen alijs ossibus absolutis ex
 nutrimento superfluo cranij & maxillarum id fieri asse-
 rit; quia in maxilla uenæ sunt, quæ ei soli inter ossa ali-
 mentum imo ex uentre præbent. Verum hæc ratio
 adeo mihi uidetur Hippocrate indigna, cuius ego maie-
 statem & canos ueneror summopere, ut suspicer eam
 fuisse ab aliquo adiunctam. Si quidem non modo infir-
 ma est, sed falso etiam principio nititur, & nullam con-
 20 sequentiam habet. Neque enim dentes post alia os-
 sa generari bene probat, quoniam illi, quos è lacte & ci-
 bo produci credidit, aut maior certe illorum pars, non
 eo tempore generari incipiunt, quo erumpunt; sed cū
 alijs longe prius. Neque etiam uera sumit, quia ue-
 næ, non soli maxillæ inferiori alimentum præbent, sed,
 ut Galenus inquit, ad singula ossa, quæ plura trecentis
 sunt, singula receptacula uenæ nuncupata, alimenti de-
 ferendi gratia pertingunt. & eodem Hippocrate autho-
 re inter utranque cranij laminam uasa perreptant. lum-
 30 borum item uertebrae multipliciter foratae multa ex eis
 nutrimenti causa recipiunt. denique humerus ac femur,
 certis præscriptisque locis, paruis foraminibus peruia
 sunt,

sunt, atque interiore concavitate uenas admittunt. Quod autem eius ratio consequentiam non habeat, uel inde suaderi potest: quia si inferior maxilla uenas habet, quæ ex imo ei uentre alimentum præbent, non est propterea necesse, ut post eam dentes generentur: quãdo superiori malæ, quæ licet hac uenarum distributione careat, dentes nihilominus similiter producit, hæc ratio accommodari nequit. immo absurdum uidetur totidem dentes in illa uel citius, quam in inferiore, absolui, & extra gingiuas progredi. Aristoteles in eadem est sententia, qui hoc tantum ab Hippocrate discrepat, quod nec generationis tēpus eodem modo definit, nec medicorum illationem probat, ut si dentes ex alimento ossium nascuntur, diuersam ab illis naturam propterea habeāt. sed potius ex ea assumptione ambo ista eiusdē naturæ esse ostendit, quoniam sanguinem communem esse generationis & nutrimenti materiam arbitratur. quod si ossium dentiumque naturam plurimum differre alibi scribit, id ea ratione affirmat, quia cætera ossa initio generationis cūcta oriuntur, neque ullum postea nascitur, quemadmodum dentes. qui iccirco etiā renascuntur, quum decidunt, quoniam initio non oriuntur, sed ex alimento ossium producentur. Ego uero nullum os posterius generari Aristoteli cōcedo, sed puto idem hoc de dentibus æque probabiliter affirmari posse. necessario enim non infertur, iccirco dentes renasci, quum decidunt, quia initio generationis nō creatur. nam & si dentes sero absoluuntur, perfectisque iam ossibus septimo mense, septimoque anno extra gingiuas erumpunt, tamen eo tempore minime nasci aut renasci compertum est, sed cum primis dentibus, sicut illi cum maxillis ex eadem materia fieri credi iure potest. quod

quod quidem nihil absurdi habet; quia si dentibus, ut Aristoteles scribit, ideo a natura conceditur, ut renouetur, quoniam in osse adhuc nascente oriuntur: uerissimile quoque est eadem ratione illam quippe, quæ iustissima est, permittere, ut primi dentes ex communi materia simul cum maxillis producantur. Parum etiam firma alia est illatio, si dentes ex alimento ossium gignantur, tunc eos oriri oportere, quum ossium numerus est expletus. etenim consequentia uera est & necessaria, si fieri nequit, ut aliqua pars alimentum capiat, nisi iam existat atque absoluta sit. Sed primum, aut absolute falsum est, aut efficaciori probatione eget. Ergo propterea quia dentes omnes, aut saltem maior eorum pars ante foetum absolutum in utero generantur, & secundo tempore uere iterum non creantur, quamuis sensus non æque de singulis iudicare possit, & natura interdum uetus institutum non retineat, puto ego probabiliter inferri posse, eos initio generationis cum ossibus creati, communemque materiam utrisque subijci. Hanc tamē assertionem meam summis illis uiris & præcepto-
 20 ribus ægre obijcio. alijs autem, ut re bene considerata obscuras eorum sententias perscrutentur, & explicent, libentissime propono. quamuis enim propter primos molares & genuinos, ac quosdam etiam alios dentes, qui intempestiue renascuntur, omnes difficultates superare nequeam; ueruntamen quia maioribus ipsi inuoluuntur, & anatome planum facit, potissimum eorum de regeneratione dentium fundamentum haud esse ita uerum, affirmare audeo cunctos dentes initio creati, imperfectosque aliquandiu in maxillis latere, deinceps
 30 uero alios citius, alios serius absolutos è proprijs caueis exire.

Quo modo dentes formam sumant, & perficiantur Cap. XVII

DE tempore ortus, & conuenienti dentium materia, à sapientissimo animantium opifice instituta, abunde disputatum est. nunc quoniam asseruimus omnes dentes, siue ex semine, siue ex ossium alimento fiant, rudi quodam principio in utero sumpto, sensim postea formari atque absolui, reliquum est, ut quo modo hoc fiat, exponamus: quod sicuti mihi non semel uidere contigit in partu, tum abortiuo, tum absoluto, & in bimestri etiam puero, & hædis breuiter recensere. Excauatum maxillæ os incisores, caninos, & tres molares adhuc molles & imperfectos, quasi in caueis latitantes, tenuissimo osseo interstitio disiunctos continet: singulisque folliculus quidam albus & subobscurus, potius mucosus ac tenax, quam membraneus obducitur, sicuti lobus frugibus, nulla alia re diuersus, nisi quod alteram extremam partem aliquantulum perforatam habet. unde mucronem dentis quasi pullulantem emit. sane hic folliculus, quo recentior molliorque dens est, eo mucosior apparet, & à natura membranæ longius recedit. quumque denti subiecto nusquam coalescat, leui opera detrahitur. tuncq; cōtinuo ille partim osseus, partim mucosus cōspicitur: quandoquidē ea pars, quæ extra gingiuas postea erūpit, prius altera; quæ latet, in candidam squamam, instar faui mellis tenuem & excauatam formatur. quam quidem melius concretam magisque conspicuam incisores obtinent: etenim ipsi eo tempore melius formati, sunt, secundum illos canini, minus

ni, minus omnibus tres molares ; atque ex eis adhuc mi-
 nus illi, qui à caninis longius distant . Alia uero den-
 tis pars , quæ maxillis infigitur, perinde ac folliculus ip-
 se superiori illius extremo coniunctus , mucosa tenaci-
 que substantia constat : durior tamen eo est , coloreque
 albo simul & rubeo subobscuro prædita , perlucens ac
 splendoris haud omnino expers . sanè hæc substantia ,
 licet nescio quas fibras & stamina habere uideatur, con-
 cretionis tamen speciem magis quam ueræ membranæ
 10 texturæ præferat . nam superficiem tersæ lubricæque
 cuticulæ humani præsertim umbilici similem obtinet :
 quæ sicut substantiæ, quam continet , ita agglutinata &
 continuo ductu iuncta est , ut ab ea nequaquam separa-
 ri , aut certè cum magna difficultate possit , ita squamo-
 sæ dentis concauitati nusquam, nisi in mediâ fortasse ba-
 si quasi in puncto hærens magna facilitate trahitur &
 educitur . Hæc est uera nascentis dentis enarratio ab
 humano foetu descripta : cuius si tu facultatem habere
 nequeas , poteris ea, quæ scripsi hædo dissecto facile in-
 20 tueri . Iam uero exteriorem folliculum , qui quasi ua-
 gina aut lobus osseam dētis partem circundat & tegit ,
 diligentiores Anatomici , quantum iudicare possum ,
 eius præsepiolum esse putant : de eo enim , ut arbitror ,
 sentiunt . quia si aliud intelligerent, esset hic ab illis præ-
 termissus . illorum ego quidem studium laudibus usq;
 effero , & diligentiam admiror : sententiam autem de
 hoc folliculo neque reprobo, neque approbare possum :
 illud tantum habeo dicere , quia magis intimæ & supe-
 riori informatæ radice parti coniungitur, mucosum es-
 30 se dentis uinculum , eoque postea firmiore effecto præ-
 sepiolis ac gingiuis ueluti glutino eundem dentem ad-
 hærescere . Cæterum quia ab altero huius folliculi

extremo ea dentis pars pendet, quæ extra gingiuas egreditur, quasi lapis à funda, quæ media perforata sit, aut cornea à coniuncta, seu ab adnata uocata oculi tunica, iccirco dentem aliqui appendicem habere putant: simulque hunc folliculum ab interiore eiusdem dentis, concauitate per lineam, quam inter hanc fictitiā appendicem esse ac reliquam dentis partem fabulantur, instar uinculi uel perioestij foras erumpere. Sed profecto, qui hæc asserunt, tam oscitant er dentium se anatomem exercuisse ostendunt, ut hoc uno errore summā 10 eorum ignorantiam, summæ temeritati iunctam patefaciant. nam, ut taceam eam lineam, quæ dentis partem extra gingiuam prominentem ambit, ab humiliori uinculi & gingiuæ ora eiusque adhæsiōe fingi, & in superficie tantum leuiter exculpi; eaque abrafa nullum diuisionis uestigium relinqui; unusquisque etiam in puerulis, aut certè in hædis aperte intueri potest, dentem offeum iam effectum, nulla ibi linea esse disiunctum; imo ab hoc folliculo adhuc mucoso ipsum libere comprehendendi, soluteque cingi. quamobrem, qui falsis in- 20 spectionibus, ineptoque mularum & canum exemplo, dentium appendices tam negligenter atque inconsiderate introducunt, rectius sibi consuluissent, si hominum primum sectione, quam exercere præseferunt, tametsi sæpius omittant; deinde belluarum sedulo tractata considerassent, num, ut Celsus putat, cuius sententiæ Alexander de Benedictis subscribit, ex eadem radice nouus dens subeat: & pars, quæ prius, quàm aliæ offis formam suscipit, quæque extra gingiuas nuda pendet, aut saltem, quæ eo extracto ad postremam radicem pertinet, lineam, harmoniam, diuisionemve aliquam præseferat; an uero, ut ego arbitror, offea dentis pars ad ex- 30 tremam

tremam radicem usque continuo semper ductu genere
tur & augeatur. Et quis obsecro est ingenio tam hebe-
ti, qui discernere nequeat, inter commentitiam hanc
appendicem, & dentem, qui renascitur, nullam posse
familiaritatem intercedere? nam si ut scribunt ipsi, sola
dētis epiphysis in pueris caderet, solaque eius extrema
pars, quæ remanet, nouus dens esset, nunquam hæc,
ut sapissime facit, prius erumpere, quàm illa excidis-
set. Præterea, quum hæc appendix sit, qua malis infi-
gitur, foramine insigni peruia, & similiter atque cæte-
ri absoluti dentes, quando aut eruuntur, aut decidunt,
10 uasa nervos & uincula inserta habeat, qui fieri potest,
ut sit eius finis cum futuri emergentisve dentis princi-
pio coniunctus, quum huius principium, non modo fi-
gura & magnitudine ita ab eius fine discrepet, ut nul-
lum prorsus ficti coalitus uestigium præferat, uerum
etiam in extremo solidum sit non perforatum, ut ille est,
adeo ut sicuti nec uasa nec nervos in huius appendicis
concauitatem immittere potest, ita nequeat ipsa cum
20 trunco, à quo profiscuntur, continuo ductu iungi.
Sed quid tanta philosophia opus est? omnem contro-
uersiam sectio ipsa dirimit. Siquidem patefacit dentes,
qui circa septennium renascuntur, cum ijs, qui eo tem-
pore decidunt, non modo coniunctos non esse, sed ne
tangere quidem eos posse: quum inter utrosque me-
dium sit interstitium osseum, quo perforato, quando
fert usus, nouus is dens erumpit.

*Materia concavitate dentium contenta.**Cap. XVIII.*

AT uero ubi dens ea ratione, quam declarauimus, offeus euasit; concauitatem pro ratione magnitudinis ac figuræ suæ magis minusve amplam adipiscitur. quam scribunt Anatomici iuniores mollissima tenuissimaque membrana indui; adduntque multi eam concauitatem ab hac ipsa mēbrana ex fibris uasorum neruorumque contexta, quasi à periostio succingi; & medulla quemadmodum sinuosa ossa oppleri. Verum ampla hæc concauitas, quæ in dentibus puerulorum cernitur, ut iam monuimus, mucosam potius ac duram substantiā habet; cuius superficies lubricæ cuticulæ similis est, ipsa uero concretionis speciem magis, quam membranæ texturam, dum eruitur præsefert. nomet tamen eā arbitrio quisque suo aut membranam, aut concretionem. Siquidem negandum nimis pertinaciter non est, hanc substantiam in umbra exsiccatam tunicæ haud absimilem uideri. illud certe cum illis ignorandum non est, eandem substantiam adhuc mollem, concauitati dentium periostij more non coalescere, sed eam leuiter attingere. procedente uero ætate concauitatem ipsam angustiores indies ac breuiorem fieri uixque ad partē gingiuīs denudatam pertingere: quoniam maior huius mucosæ substantiæ pars concrescens os fit, & squamæ dentis antea natæ, quemadmodum corticibus arbores coalescit. cuius quidem rei sensus ipse uerum iudiciū ferre potest, si in absolutis dentibus exteriore hac squama aut detracta, aut saltem in altero latere effracta, fiat utriusque

utriusque dentis substantiæ collatio : Siquidem illa,
quæ quasi glandis cortex, aut ferreus anulus, qui sit in
extrema hastæ parte gratia tutelæ positus, extrinsecus
ineumbit, alba terfa ac densa est, perinde ac marmor: al-
tera uero, quæ in interiore parte latet, & ab ista contine-
tur, subobscura aspera & minus compacta. Quod si ad-
mirabilem hanc naturæ solertiam uidere iuuat, hoc ego
consilium dederim, ut molares bouini arietinique an-
tea frangatur, quàm humani, & sectio prius in recens
10 natis, quàm in adultis administretur. Siquidem in ui-
tulo & agno quilibet molaris triplicem concauitatem
habet, anteriorem scilicet, posteriorem ac mediã: qua-
rum media foramine instar litteræ C curuo etiam per-
uia est, ad extremum usque dentis extra gingiuas egres-
surum pertingente: unde fit, ut absoluto dēte, ab humo-
re cibi media hæc concauitas, quasi atra fuligine asper-
sa, obscurior appareat, duæ uero aliæ hinc inde illã com-
plectentes eiusmodi foramine destitutæ sunt, in eisque
20 materia mucosâ, cuius magnam partem, quum dēs per-
ficitur, in os formari dixi, non longe ab origine bifariã
scissa, ueluti a duplici uagina intrinsecus continetur, &
quoniam in his animantibus duo molares plerunque,
ac etiam tres, & non raro quatuor coniuncti occurrunt,
ideo natura sagax, ut singuli horum dentium mutuo cō-
sentirent, transuerso foramine osseum interstitium inci-
dit, per idque materiæ uiscosæ ceu surculum, ab altera
concauitate in proximam traiecit. Id quum feceris, tū
uero ad humanos dentes non modo absolutos, ue-
rum etiam recens formatos aggredere. quibus inspe-
30 ctis, æque opinor eos miraberis, qui commentitias ap-
pendices excogitarunt: atque alios, qui eos tanto pe-
re detestantur, perspicuens, quam belle illi naturæ ar-
tem

tem suis figmentis imitentur, quàm oscitanter hi eam tacite prætereant.

Membrana, uasa, & nervi dentium

Cap. XIX.

SED ad puerulorum dentes redeo, quorum concavitatem aliqui membrana cingi tradunt, uasis neruisque contexta: hoc commentum alij improbant, unguium exemplo adducti, quod à Galeno sumunt: siquidem ungues ex nervo, cute, carne, & ossibus conflatos uetères existimabant. Sed meo quidem iudicio non ita recte improbant, quoniam multa alia de uasorum neruorumque in dentes distributione scribunt Anatomici, quæ quanquam sensu percipi perfecte nequeunt, locusque in eis non sit manuum industriæ, quia tamen uerisimilia sunt, non contemnuntur. Præterea eadem ratione possent, medicorum principes de dentium materia coargui; siquidem haud magis asserere licet, opinor, illis, dentes ex superfluo maxillarum alimenti generari, quàm ueteribus ungues ex eo, quo dictæ quatuor partes affluunt. Sanè uasa & nervos in dentium sinum an penetrant, præcipueque si magna animalia prætermittantur, paulo minorem dubitationem habet, tum quia nihil Galenus hac de re scribit, tum quia sensus sine rationis adminiculo uerū de ea iudiciū ferre nequit. etenim multa inueniunt, qui harum partium administrationē obeunt, quæ fieri id minime posse ualde suadent Galeni quidem sermo de uasis & neruis dentium ita concisus est, ut nihil aliud inde colligatur, quàm in ipsorum dispensatione summam naturæ æqualitatem apparere, esseque

esseque ex ossibus solos dentes mollium neruorum cerebri participes, eosque uix conspicuos à tertio iugo eiusdem uisceris in gingiuas & singulos ipsorum distribui, & in radices cum uinculis inferi: aut, ut alibi scribit, ab eis enasci ipsisque substerni. Si enim neruos uel concauitatem dentium subire, uel in eorum substantiã distributos cum ea permisceri Galenus aperte cognouisset, neque alicubi diceret se citra rationalem & naturalem demonstrationem illis, qui dolorem in imo dente ortum sentire asserunt, testimonium exhibere: neque potuisset eiusdem nerui dolorem ab illo, quem ipse in substantia dentis percipiebat, propter continuum eiusdem nerui ductum plane distinguere: neque demum adeo miraretur, quam ob rem solidum dentis corpus inflammatione similiter atque carnosæ partes pulsatione agitur. Sed ambiget forsan hac de re iccirco aliquis, quia uix credibile putet fuisse tantum philosophum ac medicum hoc malum in se ipso expertum, & tamen ignorasse, aut negligenter expendisse, duram lapideamue dentis substantiam, sensus sine nerui distributione, aut saltem pulsus sine arteriæ dispensatione participem fieri non posse, atque ab eadem, quia nec distendi nec contrahi potest, pulsantis arteriæ motum impediri prorsus oportere, nisi intus penetret; & aliquod inane spacium intercedat quod permittat ut libere distendatur. Verum, quum hac ipse de re nihil scribat, ut pietati, qua eum prosequor, satisfaciam, uenit mihi in mentem credere, aut studio ipsum & diligentia propria, omnia demum, quemadmodum musculos palpebrarum, inuenisse, & in libris iniuria temporis amissis, cum multis alijs, quæ adhuc ignorantur, exposuisse: aut saltem dentium pulsus, quem

quem ipse introducit, minus proprie ab eo accipi: quando spiritus etiam potest, ut doctissimi mihi quidam uiri respondere solent, uarie concitatus, quemadmodum in auribus experimur, sensum pulsationi non absimilem excitare. & uidetur percussus quoque baculus, si particulam sensu præditam contingat, concuti & resonare.

Vasorum & neruorum dentium administratio quamobrem sit difficilis.

Cap. XX.

SEd coniecturis his posthabitis, ad Galeni honorem sexcogitatis, uidendum est modo quàm difficile sit ex dissectione de eiusmodi uasorum neruorumque dispensatione iudicare: nam præcipuus utrorumque ramus, à quo, ueluti illi pingunt, qui se anatomiam instaurasse profitentur, singulæ propagines dentibus ordine dispensantur, non apparet: & propaginum quoque huiusmodi ductus & in utranque maxillam insertio conspicua non est. quis enim tam acutis oculis tamve accurata manu anatomem exerceat, ut obseruet molaribus, qui tres quatuorve radices habent, nouem atque adeo duodecim furculos à triplici trunco pululare? Si Galenus Erasistratum despicit, qui neruos ex uenis & arterijs quasi catenam ex tribus diuersæ naturæ loris contextos esse arbitratur: neque concedi item debet istis, ut hanc dentium uasorum & neruorum dispensationem, minus illa conspicuam, tam libere describant, & ante oculos legentium ponant. nam ut taceam, iusta reprehensione carere forsan Erasistratum, quia cerebro ac medulla spinali transuersa linea incisus, deindeque compressis,

pressis, minutissime inde lucidi sanguinis guttę undique
 manare conspiciuntur, quod quidem sine uasis effici nō
 posset; nerui tenui cerebri membrana innumeris uaso-
 rum propaginibus refertissima inuoluuntur, quę tamen
 propagines propter tenuitatem, perinde ac si non ex-
 tarent, ubi parumper ab origine nerui recesserunt, sub
 aspectum non ueniunt. Si igitur propterea quia mem-
 branam, quę dentis concauitatem cingit, esse uasis &
 neruis consutam aperte non cernimus, hi, qui illam in-
 10 troducunt, uidentur iure reprehendendi. ego quidem
 fateor me minime intelligere, cur minus iuste notentur
 illi, qui tot neruorum ac uasorum surculos dentium si-
 num penetrare se aperte uidere asserunt. Quis rursus
 quāso permittet unquam eis, ut tam solute pronun-
 ciant se intuitos fuisse, a tertio cerebri neruorum iugo
 utriusque malę dentibus ramulos eo, quo pingunt or-
 dine offerri? nam præterquam, quod clare cerni id mi-
 nime à quoquam posse satis compertum est, in superio-
 re mala nullus neruus insignis, qui offeum sinum am-
 20 plum secundum ipsius malę longitudinem habeat, ad
 anteriores partes contendit. in inferiøre uero, quam-
 uis id eueniat, tamen is neruus propria membrana te-
 ctus, non modo raras propagines emittit, ne dicam nul-
 las, sed in adultis canali etiam offeo ad ipsius nerui u-
 sum inciso, bona parte itineris denso & continuo ita un-
 dique comprehenditur, & ueluti septo continetur à dē-
 tium radicibus planè seiunctus, ut ne attingere quidem
 eas possit. Nec silentio prætereundum est, planè abso-
 lutas dentium radices, extrema parte ita coacta plerun-
 30 que esse, ut nullum prorsus in ea foraminis uestigium
 appareat. quod si quis foramen cerni persæpe in ea ca-
 pillō angustius contendat, ne idem mihi error obijcia-

tur, quo alios interdum capi admonere soleo. id uero minime negabo, neque illud contra obijciam, tamen si possim, uisorij nerui foramen, quod isto amplius est, debuisse eos pari diligentia considerare: sed hoc potius, quod si meatum huius nerui, qui tenuissimo spiritui uia præbet, contemnunt, & nullum esse statuunt, nimis temere asserunt hoc foramen, quod in extrema parte radicum dentium iam absolutorum existens longe minus illo est, & uix cerni potest; uenam & arteriam neruumque insuper & membranam, quam ab illis produci negant, simul admittere. Attuli eam ob causam ista, quæ huius partis administrationem reddunt perdifficilem, ut anatomix studiosi intelligant, æque esse illos temeritatis crimini obnoxios, qui membranæ concauitatis dentium contextum ex uasis & neruis introducunt; atque eos, qui illos arguunt: & item alios, qui horum uasorum ac neruorum dispensationem, quæ, oculis aperte cerni minime potest, descriptione ac pictura ceu notissimam exprimunt & effingunt.

*Ratio administrandi dentes, ut eorum
nerui ac uasa conspici possint.*

Cap. XXI.

ATqui quoniam nisi ea, quæ scripsimus, rectius explicantur, tractatio hæc uideri imperfecta & manca posset, operæ precium est ea, quæ in hominibus perspicue intueri minus licet, è magnis belluis sumere: & sicubi, aut hæc non sufficiunt, aut omnis sensus deficit, ratione uti. Ut uero melius quisque ea percipiat, quæ exponemus; maxillam antea inferiorem secet oportet, atque

atque in eius sectione sedulo & sapius se exerceat: superioris enim administratio sicuti & fabrica longe diuersa est & difficilior; neque in hac ueluti in inferiore ab uno aliquo principio inchoari sectio ita facile potest. Aperto igitur interiori latere maxillæ inferioris, concauitas medullæ plena, neruumque tunica undique inuolutum continens sub aspectum uenit: medulla que ablata, & tunica secundum maxillæ longitudinem scissa, neruus ex pluribus quasi funiculis conflatus, cuiusmodi illi sunt, qui ad magnos artus procedunt, obuiam fit; inter quos, tum obscuræ quædam uasorum propagines, tum uero, ut ex crassitudine tunicæ conijcio, arteria non exigua progreditur. hanc autem membranā, quando totam cum his neruorum & uasorum furculis ab osse detrahis, & sensim eleuas, in boue & ariete non nullæ fibræ araneis similes ab ea distribui apparent; sed quænam, qualesue sint, & propter tenuitatem, & propter medullam, quæ in ea parte non ita bene detergi potest, non facile discernimus: coniecturaque uix assequimur in corpore tam gracili tres diuersæ substantiæ furculos, nimirum nerui, arteriæ, ac uenæ, contineri. Verum quoniam in arietina maxilla (equinam sane non secui) osseum interstitium inter neruum & dentes positum, quod tenue & rarum est, has fibras ad radices dentium penetrare sinit, iccirco id ego, quamuis neque in quolibet, neque in cuiuslibet animantis molari perspicue cernatur, effici tamen à solerti natura posse facile concedo. definant item illi, qui hoc sibi dari petunt, Erasistrati posthac catenam seu funiculum, ex tribus diuersis locis contextum, tam acriter insectari; & rete admirabile uocatum, ueluti figmentum floccifacere: & irridere demum, quod sphenoidis ossis squama nihilominus prio-

ri huius dentium interstitij parte rara, ui caloris extenuatam pituitam percolare existimetur. Postquam uero a molaribus ad minores dentes descensum est, nervus cum arteria, quæ illum comitatur, bipartito scinditur; cuius pars una per foramen eo loco sculptum, ad labium inferius emergit: altera ad radices incisorum tendit, distributoque cuique ipsorum furculo, una portione sui cum exteriorè radicum parte iungitur, altera autem eaque tenuissima, sinum dentium penetrat. quod quidem etiâ in homine ab his, qui sectionem doctæ & accurate tractant, cerni non difficulter potest. Sed mirum profecto est, & naturæ æquitati parum decens uidetur, incisores & caninos dentes, paruos, unaque radice infixos, eiusmodi nervorum ac uasorum furculos magnos & conspicuos obtinere, patentique uia ad insertionem accedere, molares uero eis longe maiores, tribusque & interdum etiam quatuor radicibus præditos, eosdem furculos, qui bifariam, trifariamve, ac etiam quadrifariam scindi debent, capillorum modo tenues habere, obscurissimoque itinere incedere. Cæterum dum molarem incisoremque e proprio alveolo sensim extrahis, gracillimas fibrâs inspicias, quas e maxillæ concavitate ad usum nervi facta emergere, & dentium radicibus cōiungi antea monui, simulque raras ossei interstitij partes obseruabis, substantia quadam mucosa refertas, nempe illi, ex qua dentes eorumque folliculi generantur, non dissimili. Dentibus deinde penitus euulsis, in extrema radicum parte materia partim fibrosa, partim mucosa apparebit, mucosa, ut conijcio, cum alia, quæ dentis sinu continetur, in ipso ortu iuncta eius est uinculum; fibrosa nervi atque utriusque uasis speciem præferret, ita tamen obscuram

ram seu potius confusam, ut oculis discerni difficulter possit. ¹⁰ Medio scisso dente, (de bouino & arietino loquor) occurrit interna eius substantia mucosa uasis per spicue descripta, & nonnullis alijs fibris intexta, quas tamen nervos esse, demptis caninis & incisioribus, suspicor magis, quam certo sciam. Hæc sanè cuncta profiteor me, sectione in diuersis animantibus eodem tempore tractata, modo clarius, modo obscurius uidisse: tamen quia hos surculos sigillatim, aut à propria origine ad insertionē usque diuidere, aut ab insertionē rursum ad originem tentanti resolvere sexcentæ difficultates occurrunt, & omnis me industria manuum deficit, ita, ut admodum pauca possim ex his, quæ cupio intueri, iccirco ita perplexus & anceps compellor, dum sectionē administro ad rationes etiam confugere. Ostendo autem internam dentium partem dolorem cum pulsu experiri, quia in illam arteria cum nervo penetrat. Vasa & si aperte in homine non cernuntur, uerisimile tamē esse in eorundem dentium sinum ingredi, atque ita ipse

²⁰ puto, tum quia sinus ipse sanguine aspersus inuenitur, tum quia in bobus id accidere manifeste conspicitur. neq; enim, si quid nō cernitur id nullū esse cōtinuo sequitur quādo adnatam, quā uocant oculi tunicam uenis carere, quia quousque animans ualet, & in sua natura cōstitit, nusquam apparent, inflammatio subsecuta falsum esse ostendit. Equidem ipse quoque mihi nunquam persuasissem, sine arteria à perforato dente tantum lucidi sanguinis emanare posse, ut eiusmodi morbo oppressus uitam una cum eo pene effunderet, & tamen id,

³⁰ ita iuuat me Deus, expertus sum, & oculis uidi. At quoniam fieri facile potest, ut diligens aliquis anatomus reperiatur, qui me impulsore has difficultates superasse,

perasse omnes se existimet, iccirco, ne quis iure me conuiciatorem iudicare possit, cunctos obsecro & obtestor anatomix studiosos primum, ut naturæ solertiam in uasis nervisque dentium conformandis ac distribuendis, accurate expendant: periculumque faciant utrum ea, quæ ipse dico, an quæ alij pingunt omni ex parte uera sint; ueritasque ipsa per anatomen discerni possit; deinde iudicent num alij ea, de quibus ego huius artis candidatos admonui, quæque uidentur administrationem sectionis perdifficilem, & uix superabilem efficere, penitus omiserint. Considerent demum Galenum ab illis de multis, quæ magis cōspicua sunt accusari, & maxillæ superioris nervos, qui dentibus inferuntur, haud recte describi aut pingi, quando propagines in illa, quæ admodum in inferiore, originem ab uno trunco secundum maxillæ longitudinem producto nequaquam ducunt. quod si accidere id in superiore etiam mala, ut pingunt, re ostenderint, tunc uero mendacem me cuncti iure dixerint; & de inuento hoc minime uulgari plurimū eos merito amauerint. interea caueant, dum in sententia manere student; & quæ semel dixerunt, quo iure quaque iniuria obstinate tueri, & mordicus retinere, ne falsis uisionibus se & alios decipiant. Cæterum ijs, qui opinantur absoluto iam dente, in angusta ipsius concauitate medullam contineri, cuncti sensus repugnant, atque ei substantiæ, quam dentes intrinsecus condunt, nihil plane pinguedinis inesse patefaciunt.

Quo tempore dentes extra gingiuas erumpant, qui cadant ac renouentur.

Cap. XXII.

Occasio iam idonea est declarandi, quo tempore dentes extra gingiuas erumpant, quive eorum & quo tempore cadât; & ex his, qui ita cadant, ut alij in eorum locum substituantur; quive sine ulla spe reparationis penitus intereant. Ergo multo antea generari dentes, quam foras exeant, sectio ipsa docet; & Galenus, dum eos in gingiuis abortiui foetus latitare asserit, aperte confirmat. qui enim in utero geniti sunt, nimirum incisores, canini, & tres molares, septimo mense uel etiam serius, si rufficula puero molesta est, e concauitatibus egredi incipiunt; non simul quidem cuncti, sed celerius superiores, quàm inferiores, & incisores quàm molares. sero autem erumpere, & cōtra quàm accadat in belluis, sine illis hominem nasci, ea ratione Aristoteles arbitrat, quia terre excrementi, ex quo generantur, homo minime omnium animantiū particeps est. Sed quum primi dentes, & qui regenerari creduntur, in maxillis eius lateant, non est hoc soli terrestri humoris inopiæ, sed opificis quoque uoluntati omnium opportunitatum moderatrici tribuendum. Alij dentes humanos, alueolos tarde egredi opinantur, quia puer statim natus eis non indiget: sed hoc etiam non esse æque necessarium, ut uerum, uteri exemplo suaderi potest, qui initio generationis creatur, & ante dentes absoluitur, quamuis fœmina posterius eo, quàm dentibus indigeat. Probabili item ratione, non autem necessa-

ria, incisores ante molares extrudi ostendit Aristoteles; quia si cibus prius diuiditur, quàm atteratur, non continuo sequitur, incisores molaribus inseruientes antea è gingiuis egredi oportere; quum homo nihilo prius illorum, quàm horum opera egeat uel utatur. Probabile item est, quod subiungit; quia licet incisores parui sint, molares magni: necessario tamen non inferitur, ut res minor cum maiore eodem tempore inchoata semper celerius perficiatur. nam uerum non esse, quod magna ossa paruis tardius absoluantur, carpus tarsusque patèfaciunt: qui cartilaginis naturam adhuc retinent, ossis forma ab humero & femore iam suscepta. Verum huiusmodi disputationis genere omisso, quod medicis paruum admodum frugem affert, ad aliud utilius transeamus. Septennario annorum circulo inter alia multa insignia, quæ animantibus accidunt, dentes pueris nasci, excidere, ac renouari tradit Hippocrates. etenim primo tempore, quod à septimo mense incipiens, septimo anno definit, erumpunt incisores; deinde canini, ac deinceps ex molaribus, qui secundus, tertius, & quartus in adultis numerantur. Secundo tempore, hoc est à septimo anno ad decimum quartum, incisores & canini pueris excidunt & renouantur, augeturque numerus, quatuor primis molaribus erumpere incipientibus. tunc enim primo nascuntur, seu extra prodeunt, ut ego quidem puto, non autem cadunt & renascuntur. Eodem tempore maximos dentes oriri Hippocrates scribit, quod difficulter credi potest: quia primi molares, nisi incisores eos aut caninis compares, maximi non sunt, nec item genuini, qui insuper neque eo neque certo aliquo tempore simul cuncti erumpunt. ipso enim tantum, & aliorum molarium, secundis exceptis

ptis proprium est, ne renouentur (tametsi renatos esse quandoque bene temperatis & uegetis hominibus cōspexerimus) utque uel sicuti Celsus inquit, tardissime oriantur: uel sicuti Ruffus, quando ætas exigit, ut temperantes simus: qua re considerata idem Hippocrates quarto septennario duos ex eis nasci tradit: Aristoteles autem, nulla habita ratione huius numeri, uigesimo anno, interdum etiam octuagesimo, quod tamen rarius uiris usu uenire, quàm mulieribus adscribit, unde
 10 facile est intelligere eos plerūque circiter tertiam quartamve annorum hebdomadam, interdum etiam serius, nempe usque ad decimam foras prodire, tametsi tempus genuinis præscriptum longo interuallo dimensum sit, non certum ac definitum, uti primum & secundum est. Cæterum eodem Hippocrate authore dentes excidunt, ubi ad annos primi alimenti uentum est, nempe quum septem anni absoluti sunt: quibusdam etiam prius, quando ex male affecto humore nati sunt, renascuntur autem ad decimum quartum. licet non desint,
 20 qui etiam senibus cadere, ac denuo nasci credant. uerum quamobrem id tempus primi alimenti uocetur, fateor me non intelligere. Quod autem omnes dentes præter molares renascantur, ut Aristoteles aperte scribit, non omni ex parte uerum esse arbitror, suisque principijs non undique consentiens. quum enim singulorum dentium cōmunis sit materia, agensque ac finis idem, insuperque efficiendi modus minime diuersus, & loci natura nō dissimilis, uix aliqua ratio adduci potest, quæ persuadeat, omnes dentes similiter nasci, & exci-
 30 dere non debere. Si Aristoteles iccirco denuo eos nasci posse arbitratur, quia initio generationis quemadmodum alia ossa minime creantur, & in osse adhuc na-

scente continentur; dici non ita iure pōtest, incisforibus
 tantum & caninis, non item molaribus conuenire, ut re-
 nascantur: quoniam non sequitur primos dentes, uel
 quia prodierint primi: uel quia hebes, quod acutū est,
 efficiatur, uel demum quia tenui ossi affixi sint, posse re-
 nasci. nam licet incisores prius, quā molares foras
 prodeunt; nihilominus tempus, quod inter utrorumque
 ortum intercedit, quo minus quatuor molares secundi
 in ordine renouentur impedire non potest. prēterea cir-
 ca septennium incisores & caninos molaribus hebetio- 10
 res esse, euident non est. denique maxillarum ossa ubi
 que ferē æque firma, aut certe firmiora in anteriori sede
 uidentur: quandoquidem inibi solida sunt, & concavi-
 tate carent: illud exploratum est, maxillarum partes
 non ita differre firmitudine, ut diuersa efficere possint,
 si de contrarijs dubites. sed de renouationis necessita-
 te satis; neque enim propositum meum est Aristoteli
 aduersari, sed pro uiribus elaborare, ut anatomia stu-
 diosi intelligant eius rationes probabiles esse, non ne- 20
 cessarias: eoque illum spectare, ut nobis naturam nihil
 temere agere persuadeat. Renouantur autem natura
 lege & instituto incisores caninique omnes, & ex mola-
 ribus soli quatuor in ordine secundi hoc pacto: Inciso-
 res priores expellunt, & inter duos primos, secundūque
 & caninum sibi proximum ē proprijs caueis emergunt:
 & si accidat, ut renascantur, antequam illi cadant, tunc
 in superiori quidem mala extra, in inferiori uero intra
 plerumque erumpunt. Caninos etiam dentes homo
 perdit, sedesque eorum, qui renouantur elata est, sub
 extrema scilicet radice utriusque canini prioris & ali- 30
 quantulum obliqua: neque tamen tantum ascendunt,
 ut dici queat, inferiorem eos oculi ambitum ferē per-
 tingere.

tingere. Hos Aristoteles etiam in canibus renouari tradit, quamuis ideo non appareat, quia antequam priores decidant, posteriores egrediuntur. poteris tu huius rei periculum facere. Siquidem multa sensuum iudicio percipi non possunt; nisi iidem simul arguti sint, & rationis adminiculo perspicaciores fiant. Iam uero quatuor secundos molares utriusque maxillæ post alios decidere nemo anatomicus hactenus animaduertit; quod tamen uerissimum est. nam recta linea, quatuor alij eis
10 subiacent: atque inter illorum radices longe seiunctas sensim subeunt: tandem eis expulsis radicum forma ad modum uaria renouantur. dirimit autem hos ab illis osseum interstitium, quod profecto si anatomie instauratores, prout eorum studium postulabat, obseruassent: de appendicibus dentium inuentis sibi ipsi non ita placerent. Hoc itaque modo geniti dentes & renouati nobiscum una consenescent; ac prope uitæ extremum, contra cæterorum ossium morem, nos deficiunt, nec amplius renascuntur; nisi morbo confecti, uidelicet aut
20 medij perforati, aut attriti, aut ueluti macie imminuti, aut laxati ante senectutem eruantur, uel sponte decidant. id uero quum fit, alueoli non modo substantia pene ossea implentur, & obcæcantur, sed utraque squama malarum inuicem occurrente, ita extremæ illarum partes coniunguntur, itaque acuta acies efficitur, ut omne simul cõcauitatis uestigium prorsus obliteretur. & hæc quoque pars ab iniurijs propter duritiem & figuram tuta reddatur, & talis euadat, ut nisi aliqui impediant ex his, qui remanent, dum cibus manditur, dentium munere recte fungatur.
30

*Nutrimētum & incrementum dentium
quomodo fiat. Cap. XXIII.*

QUum Galeno auctore uasa ac nerui in dentes inserantur, quomodo nutriantur, crescant, uitæque ac sensus participes fiant, non est difficile explicare. sed illorum coniectura nimis arguta est, qui de uasis parum solliciti, pro obscuris nota dimittunt; & malæ inferioris dentes eiusdem medulla, superioris uero humore medullæ simili in ampla ipsius concauitate recondito nutriri putant. nam neque medulla inferioris maxillæ dentes tangit, neque amplius ille sinus superioris, humorem medullæ similem continet; & præterea spissa ac terfa dentium squama, tam crassum alimentum ad se allicere ac retinere parum uerisimile est. sed longe magis hallucinantur illi, qui putant dentium concauitatem nutritionis gratia medullam continere. quando substantia, cuius plena est, sicut & illa, quæ ad radices eorum substrata, raras partes ossi interstitij maxillæ inferioris replet, mucosa est, & nihil plane pinguedinis habet, ut declarauimus. Cæterum quia dentes solos inter ossa tota uita crescere, Aristotelem asseruisse nemo ignorat, hinc sequi putet fortasse aliquis, ossium ac dentium materiam diuersam esse, & tempus generationis uariū. Verum quum idem Aristoteles singularum partium communem materiam sanguinem esse statuatur, semperque augeri dentes minus proprie dicat, ex eo quia huiusmodi incrementum tandiu durat, dentes materia ac generationis tempore ab ossibus discrepare nemo, qui eius libros accurate legerit, recte inferri affirmabit. Sane dubi-

indubitandi mihi causam, qui assero dentes ex eadem seminaria materia cum maxillis una fieri, istud peculiare dentium incrementum præbere non nego: sed maiorem illud daret, si eos proprie semperque augeri faterer. Verum quia Aristotele auctore, quæ uerè augentur, quoquo uersum maiora efficiuntur, quum hoc in dentibus magis, quàm in cæteris ossibus accidere non uideamus, sicuti minime iudico antum philosophum in re notissima hallucinatum, ita id me incrementum a priore sententia discedere non compellit. Præterea si concedatur dentes secundum longitudinem solum augeri, quum peculiare hoc eorum sit, alijsque partibus siue carnosis, siue spermaticis, unguibus & pilis exceptis, qui magis usque generantur, quàm augeantur, nõ conueniat; non propterea continuo sequitur, eosdem è sanguine potius, quàm è semine generari debere. Accedit quod ne dentes quidem isto modo per totam uitam augentur: sed naturales singularum partium actiones maxime imperfectæ in seniori ætate sunt, primique omnium dentes male afficiuntur. nam, ut alia incommoda taceam, alimenti inopia extenuantur: & prauo atroque succo asperguntur: obscuri fiunt: & propter mollem ipsorum substantiam plerumque ita atteruntur, ut acies incisorum caninorumque hebetior, & multo minor reddatur: simulque omni eminentia & asperitate abolita, molares æquales ac plani euadant. quod quum ita sit, quemadmodum non credo uerum esse, quod quidam se obseruasse scribunt, dentes auulsis oppositos, quoniam mutuuum contactum ex occur-
su declinant, semper & in omnibus augeri, quando-
quidem in me ipso contrarium experior, ita mirum nature interpretem Galenum sæpe hoc fieri, & ferè per
omnem

omnem animantis ætatem, rectius, quàm Aristotelem dixisse mihi certo persuadeo. & quoniam addidit tantum augeri dentes, quantum in cibis mandendis attulerunt: iccirco ne quis decipiatur, admonere libet, augmenti nomen late ab eo usurpari: siquidem nec proprie nec semper dentes crescere putat: sed pristinum statum seruire quandiu substantia, quam attritione quotidie amittunt, alimento æqualiter reparatur. quamobrè, si quem iudicio syncero hanc rem iuuat expendere, is uero eam partem dentium, quæ extra gingiuas prominet, diligenter intueatur, quæ etiam Aristotele auctore media ætate transacta, solet plerunque imminuta & consumpta reperiri. quòd si dentes nihilominus maiores appareant, aspectui fides statim non est adhibenda; tum quia sæpe gingiuis erosis, ab humore uel alia quapiam materia iidem foras expulsi, creuisse uidentur: tum etiam quia nonnunquam auulsis sibi oppositis, alijsque contiguis imminutis ipsi amplius non atteruntur. Tu si quæ ego Galeni sermone excitatus, excogitauis, minus probas, poteris Aristotelis sententiæ adhærere.

Sensus num ossibus tributus sit.

Cap. XXIII.

Cæterum ex ossibus solos dentes nervos & sensum habere aperte Galenus asserit. posteriores inter se dissident. Quidam enim de hoc sensu dubitant. nonnulli contra cæteris etiam ossibus eum fore communem arbitrantur. Enitar ego pro uiribus simul illius mentem explicare; & utranque quæstionem anatomice

me duce & ratione comite dirimere. Quum Galenus
 Platoni interdum non contradicat, saporum iudicium
 intercedentibus uenis, quæ sunt tota linguæ substantia
 dispersæ cordi tribuit: ac etiã de uasorum sensu non
 semel quædam dicat, de quorum ueritate iure ambigi
 potest: iccirco de primo ego sensus organo probabili-
 ter, & ad hominum opinionem alio loco disputauì. Ve-
 rum quia multa sunt, quæ nos ideo persæpe fallunt, quia
 uidentur maxime probabilia, propterea nolo à commu-
 ni medicorum sententia propter leuem causam recede-
 re: sed satis habeo difficultates, qualescunque sint, non
 dissimulasse; easque peritissimorum iudicio examinan-
 das proposuisse. Ergo ad primam quæstionem aggres-
 sus, nego de ossium sensu falsa Galenum scribere, uel
 usquam contraria. quamuis enim solos dentes recipere
 à tertio cerebri iugo molles neruos scribat, minime ta-
 men sentit omni penitus neruorum genere cætera ossa
 carere: quum idem ipse alibi doceat periostrium mem-
 branam, nec neruis nec sensu priuatam esse. & quamuis
 nerui in ossium substantiam non distribuuntur, sensus
 tamen eis auferendus propterea nõ est, quia hoc idem
 de Galeni sententia dētibus usu uenit. quoniam nusquã
 quod sciam, aperte affirmat neruos dentium concauita-
 tem penetrare. Et quanquam illos, qui amice, ut quisq;
 debet, tanti præceptoris sententias interpretantur, quo-
 minus coniectura aliqua adducti, hanc opinionem am-
 plectantur, non prohibeo: tamen eam in cōtrariam etiã
 partem facile duci posse liquido ostendo. Addo insu-
 per, si neruus, qui concauitatem dentium ingreditur,
 eamque unã cum membrana, cui adhæret, uix leuiter tã-
 git, perspicacem sensum, ut posteriores scribunt, ipsis
 communicare potest, rationi quoque consentaneum ui-
 deri,

deri, ut periosios membrana ossibus, quibus coniuncta est, obscurum impertiat. quando; minime sequitur; propterea quia solis dentibus euidentem sentiendi vim tribuat; obscuram alijs ossibus Galenū denegare, ea- que omnis plane sensus; expertia facere: præsertim quia eorum sententię, qui obtusam quādam sensus speciem ossibus tribuunt, non modo non contradicit; sed etiam subscribere uidetur, dum ossa, quę cruri iunguntur, dolore affici cum Hippocrate confirmat. Et quidem nihil prohibet, si in spongijs & ijs, quę zoophita Græci uocant sensus sine neruis reperiatur, eū quibusdā animantiū particulis, nō dico sine neruis, sed sine ipsorū distributione, aut insertione ad certum interuallū elargitum esse. Item si ossa sine artēriarum ramis undiq; per ea diffusis, a cordis spiritu uiuendi facultatem cōsequuntur; poterunt similiter animali spiritu longe tenuiori intra se concepto, sensu etiā potiri. At dices ossa, quę undique tecta & custodita sunt, non perinde, ac dentes sensu indigere: quum externis iniurijs non sint similiter obiecta. Id uerō minime inficior, sed aliā eis ob causam sensum tribui cōcedo. quū enim ossa particulę maxime omniū terreę cēseantur, tactusq; eis, quę huius generis elemēti sunt, præcipue debeatur, nisi sensu essent prædita, maior pars animantis à plāta nihil differret: frustra; eadē ossa per animam sentientem existerent, nisi ipsius beneficio sentirent. Sanē & si hæc facultas singulis in partibus non æque aperte conspiciatur, ossiumq; durtia sensui non mediocriter aduersetur; nihilominus, ut sine ea facultate nulla pars animantis existere actu potest, ita sine sensu ne à plantis quidem discerni. Natura, inquit Galenus de renibus tractans, cuiq; horum uiscerū tantum sensus largita est, quantum conueniebat, ut à plantis

plantis scilicet seiungerentur, essentque animalis particulæ. quod profecto, si ut uerum est, ita etiam necessaria habet consecutionem, cur propter eandem rationem ossibus quoque sensus tribui non debeat, uix explicari posse arbitror. Modus autem, quo sensum adipiscuntur, nec naturæ insuetus est, nec explicatu difficilis. Sicut enim cicatrici uicinæ partes, & iecori membrana, qua inuoluitur, Galeno auctore sensum tribuit: pariter etiam illa, quæ propterea, quod ossibus
10 adhærescit, periosstios appellatur, impertiri illum potest, quum perspicaci ipsa sensu prædita sit: & quando male habet, ipsius affectio ossium dolentium imaginem præferat. Si obijcias ossa nulla molestia affici, sed eorum membranam proprios dolores percipere, hoc idē in dentibus & iecore usu uenire respondeo. si euidentem sensum huiuscemodi inuolucro concedis, sed obtusum, & qui paruo interuallo obliteretur, duræ substantiæ dentium, & carni iecoris male compactæ, ego ossibus, non modo obscurum inesse affirmo, sed totam
20 uim sentiendi confusam & perturbatam, atque adeo exiguam concedo, quæ propter leuissimam quanque causam euanescat. illudque Galenum cum plerisque alijs spectasse arbitror, quando ossa sensu destituta esse aliquo loco dicit: multa enim propter exiguitatem quasi non sint, plerunque ab authoribus contemnuntur: quæ ratione motus, crus sine musculis esse dixit Hippocrates: & pisces sine collo Aristoteles & Galenus. Parū etiam apposite ea ulcera obijci solent, in quibus denudata ossa, quouis modo tractentur, dolore carent. nam,
30 ut tacēam fuisse non uulgares medicos in crure contrarium expertos, qui etiam detracto periosstio, euidentem se in eis quandoque sensum reperisse scribunt,

haud mirum est detectis ossibus sensum prorsus obliterari; quum calor ac spiritus iam euauerit: substantia obduruerit: & ad ambientis aeris iniurias ferendas nos assuefecerit.

Num sensus insit dentibus, & cui parti eorum acceptus referri debeat,

Cap. XXV.

DE sensu ossium abunde dictum est. dentes uero ipsos eo prorsus carere, quia inter ossa numerantur; & lapillorum duritiem ita æmulantur, ut ferri aciem reijciant: ac lima citra dolorem comminuuntur: atque etiam quia si igne exurantur, nihil ferè molestiæ accipiunt, non iniuria multi, tum philosophi, tum medici opinantur. qui quidem molestiam illam, quæ percipi solet, uicinis partibus, neruisque potissimum expensam esse referendam existimantes, hanc opinionem Hippocratis testimonio & ratione haud improbabili confirmant. Nimirum ille dolore affici dentes tunc arbitratur, quum pituita radicibus, ad quas nerui pertinent, subiecta est. Rationem autem ab experientia sumunt, quæ docet sapores & alias qualitates, quæ tangi possunt, erosio perforatisque dentibus melius percipi, quoniam patens ac liber aditus ad neruum usque tedit. Aliqui non solis neruis huiuscemodi sensum tribuunt, sed magis pelliculæ, eam dentis partem, quæ intus latitat, instar perioestij extrinsecus inuoluenti. Alij internam dentium concauitatem, tenuissima, acerrimique sensus membrana succinctam, omni cruciatu affici contendunt: & eam ob causam credunt, dentes limam ac
cætera

cætera instrumēta, quibus cōminuūtur aut dissēcantur, facile contemnere; quia malū ad hanc usque membranam non peruenit, sicut quando summe calidis uel frigidis dentes occurrunt, quæ non solum ad eos undique penetrant, uerum etiam simul cum ipsorum substantia animalem spiritum foraminibus, quæ uideri nequeunt, contentum, & hanc deinceps membranam successione quadam male afficiunt, atque immutant. Verum his ego non acquiesco. nam Galenus se planè percepisse refert, quum dentium quandoque dolore cruciaretur, haud membranam, quæ concauitatem dentis succingit, neruumque & uenam habet, immo etiam arteriam, quæ admodum posteriores obseruarunt (de hac enim ipse nihil prorsus scribit) sed dentis substantiam, seu proprium eius corpus, non solum dolore affici, uerum eodem modo, quo carnosæ partes phlegmone tentari, atque etiam pulsatione commoueri. & quamuis propter duram lapideamque dentis substantiam, hoc admiratione dignum iudicet, nihilo tamen minus ijs, qui eâ dolore affici asserunt, fidum se testem exhibet. quippe qui re & facto hoc percepisset, simulque diligenter obseruasset, gingiuarum neruique ad radicem substrati dolorem ab eo, qui in dente percipitur, clare distingui. Alexander Trallianus grauissimus medicus Galeni sententiam ex quinto libro de compositione medicamentorum secundum locos recitat, eique subscribit. Actuarius iisdem fere uerbis rem explicans, dentes, tum propter neruos, tum propter substantiam propriam dolere ait. Sed quia existimare potest aliquis Galenum eo loco citra rationalem aut naturalem demonstrationem ijs, qui dolore affici dentes asserunt, testimonium præbere; ideo opere præcium me facturum puto, quæ

alibi

alibi ipse scribit, breuiter recitare, euidentiorisque doctrinæ gratia nonnullis argumentis confirmare. Quæ Galeno auctore cerebri nerui molles ijs partibus, quibus sensu exactiore opus est, inferantur; & is sensus illis insit, quæ lædentibus facilius occurrunt, ut animans per dolorem ad opem sibi ipsi ferendam impellatur; & id, quod eum cruciat, antea amoueat, quam pars labefactetur; nimis profecto improprie ab eo inter partes, quæ perspicacis sensus sunt, dentes & palati tunica numerantur; quando soli eorum nerui sensum habent, nihilque huius dentium substantiæ, ut palati tunicae communicant. Præterea, si eadem dentium substantia doloris est plane expers, omnem naturæ industriam uanam existimare possumus, & frustra solis ipsis, uel si nudi externis iniurijs exponantur, molles nervos esse dispensatos. Sed his replicet aliquis: si dentium substantia immutatur & lædi potest, neruum ob coherentiam ex ea immutatione molestiam capere, quæ diuersum sensum excitet, ab illa, quæ a læsione carnis proficiscitur, de qua exempli causa mentionem fecimus. nam immutatio substantiæ dentis plurimum certe ab ea differt, quam caro experitur. Sed hoc perinde est, ac si dicatur solum neruum, non autem carnem, aut aliud quod aliud uiscus sentire: quis enim ignorat sensu potiri quam libet particulam beneficio nerui, & pro diuersa cuiusque substantia uarias sensus differentias fieri, ita ut ex eis aliquæ huic soli parti conueniant, nulla uero ipsi aliarum communicet. Siquidem neruus sexti iugiorum, qui à cerebro proficiscuntur, propaggines, tum ori uentriculi offert, tum alijs uisceribus distribuit, quæ uis famis & sitis tristitia ab hoc uno uiscere percipitur: quod sanè nullo modo fieri posset, nisi mutuo quodam con-

dam consensu læsa uentriculi substantia nervus immuta-
retur; ac demum unà cum facultate sentiente tristitiam
quoque in illam undique effunderet. Quod si quis pa-
rem dentium & oris uentriculi rationem esse neget; ego
contra ita similem esse affirmauerim, ut pene eadem cē-
feri debeat. nam Galeno teste mollium neruorum ge-
nus dentibus inest, quia ipsi non aliter, quàm cæteræ
oris partes sapores discernunt: quod certe munus solus
nervus sine organo uel proprio sentiendi instrumento
10 exercere nequit: sicut sine oculis aut auribus colores
percipere aut sonos audire non potest. Præterea supe-
rius os uentriculi singulari naturæ beneficio, contra mo-
rem cæterarum partium, famis ac sitis molestiam per-
cipit: & dentes peculiari tactus symptomate afficiun-
tur, (*αἰσθησις* Græci nominant, uulgus stuporem &
congelationem) quod nulli alij particulæ usu uenit. un-
de fit, ut dentes gustum cum lingua communem haben-
tes, ac propria quadam specie tactus præditi, non mo-
do cæteris ossibus præstent, sed quibusdam etiam alijs
20 partibus, quæ haud obscure sentiunt. quod uero aut
pelliculæ internam dentium concauitatem succingenti,
aut alteri, quæ radicem ipsorum instar periostij in-
uoluit, aut utrique earum hic sensus acceptus refer-
ri debeat, permitto ut aliqui hodie dicant, dummodo
Galeno & mihi hoc dent, ipsarum interuentu, unà cum
spiritu animali, sentiendi quoque facultatem dentium
substantiæ communicari; & membranam, quam inter-
nam uocant, concauæ eorundem dentium superficiiei
minime iunctam esse, sed eam leuiter attingere.

Quo modo dentium substantia sensus particeps fiat, & num ab omni tangibili qualitate pariter afficiatur.

Cap. XXVI.

CAETERUM dentes siue ob solam nerui ad radices eorum cohaerentiam, ut Galenus asserere uidetur, siue harum quoque membranarum beneficio sentiant, quomodo dura ac spissa eorum substantia sensus particeps fiat, haud potest facile explicari. Idem author, qui si dentium concauitatem non prorsus ignorat, exacte tamen haud nouit: neruosque ac uasa exteriori in parte iungi cum eis arbitratur; hac de re ne uerbum quidem facit. Ego quanquam certam demonstrationem non habeo; coniectura nihilominus adducor, ut suspicer neruum, qui in concauitatem dentium penetrat, in minutissimos surculos diffusum cum intima ipsorum substantia, quae mucosa est initio generationis commisceri: ea enim quemadmodum nonnullae plantarum radices in lapidem commutantur, deinceps magna ex parte in os formata causa est, ut dentes cum neruis facilius consentiant: atque hac ratione etiam sensus participes fiant. Asserunt aliqui dentium materiam magis ad carnis, quam ossis naturam declinare, qui quidem rem probabiliorem facerent, nisi dubia sibi concedi uellent. Aretaeus putat dentes & ossa, quamuis spissa & dura sint, per ingenitum tamen calorem uiuere & sentire. Addimus nos dentes spiritum animale longè melius, quam cetera ossa intra se recondere, tum quia contra illorum

illorum morem in propria conceptacula molles nervos recipiunt : tum quia interna ipsorum substantia , quæ à sensibilibus præcipue immutatur, haud est raritatis omnino expers ; neque omni plane luce caret . Quod autem possit innatus calor , animalisque spiritus, undique per hanc substantiam diffusus utilitatem, quam diximus afferre, nemini uideri mirum debet, quando Galeno auctore aer , qui nos ambit , tale instrumentum oculis ad uidendum est, quale profecto spiritum animale esse nemo dubitat . Iam uero sicut iecoris partes non æque omnes sensu præditæ sunt, sed membranæ , quæ illud inuoluit, proximiores cæteris præstant, ita & dentium partes haud similiter sentiunt ; sed in internis, quæ tectæ sunt, & ab iniurijs tutæ, nervoque & inuolucris uicinæ, sensus magis uiget : in externis uero , tum propter spissam & duram ipsorum substantiam, quæ instar corticis intimæ obductam, uim nerui animalemq; spiritum uix admittit, tum propter continuam ambientis aeris mutatione, cuius causa eadē pati assuescunt, non aliter, quàm in callosa pedum rusticorum cute penè obscuratur, atque adeo obliteratur . Sed mirum profecto est dentes, neque ignis, neque ferri uim sentire, alia tamen occasione dolere . Arateus huius rei uerā causam solos Deos scire putat ; probabilem uero & apparentem etiam homines. sanè dentes comminuti, aut ferro quoquo modo uulnerati non dolent, quia ob densitatem fieri asperiores nequeunt ; & quia si hoc fiat, animalis tamen calor & spiritus haud immutantur, malum que, ut oporteret, consecutione quadam, nec ad neruum , nec ad membranas eorum peruadit . quamuis si Auicenna confrictos dentes sentire concedit, quia, ut arbitror, ex motu calor ipsorum augetur,

getur, & spiritus animalis concitatur, ratione eadem
 mæ quoque molestiam percipere concedi debet. Ve-
 rum quamobrem à ferro candente, aut nulla molestia
 afficiantur, aut certe minori, quàm ratio uehementiæ ex-
 poscat: quando eius contactu internæ partes, in quibus
 sensus uiget, pariter atque externæ læduntur, haud ha-
 beo adhuc bene exploratum: nam etiam si quibusdam
 anatomicis concedamus, dentis partem, quæ extra gin-
 giuas pendet, in adultis solidam esse, eoque nec neruū
 nec membranam attingere, nihilo tamen magis se ex- 10
 plicant, quoniam, ut modo taceam pueros, in quibus
 hæc concavitas ampla ac profunda est, & dentis squa-
 ma tenuis, pro ætate plena timoris, & ad patiendum
 difficili non magis, quam uiros ab igne lædi & dolo-
 re affici, negari non potest dentem pene exustum ca-
 loris uehementiam singulis suis partibus internæque
 membranæ communicare. Putaui aliquando hanc ob-
 iectionem posse argute dilui, asserendo candens fer-
 rum, non aliter ac multa escharotica medicamenta,
 unā cum temperie uim sentiendi penitus auferre. Sed 20
 quoniam firma & euidenti ratione hoc probari non po-
 test, præstat nunc addere dentium proprium esse, ut
 nec omnia, quæ eos immutant, sentiant, nec ab his do-
 lore æque afficiantur, quæ eis molestiā asserre possunt.
 Illud sanè Aretæus innuere uidetur, hoc Aristoteles
 aperte asserere: nimirum quia dentes magis à calido &
 a frigido, quam ab alijs qualitibus læduntur, & fri-
 gidi sensus qualitas molestior eis est, quàm calidi, plus-
 que detrimenti, quemadmodum experimur, à multis,
 quæ potestate calida aut frigida sunt, & tota ei substan- 30
 tia inimica, quam ab alijs accipiunt. Hæc à me addu-
 cuntur, non quia magnimomenti sint, & confutari ne-
 queant,

queant, sed quoniam in ijs, quæ demonstratione carêt, probabiles rationes Galeno teste sperni non debent. Sed liceat mihi parumper ab anatomico negotio digredi, & ex iam dictis inferre, quosdam medicos hodie contentiose nimis asserere, solutionem continui adeo propriam doloris causam esse, ut sine ea nullo pacto excitari possit. nam hac ratione dentium substantia, quæ ob duritiam neque contrahi neque distendi potest, non nisi erosa uel maxime inflammata cruciatu afficeretur: & quemadmodum, quum ignis uolentiam patitur, maior in ea dolor excitari deberet, quoniam malum, quo premitur, est etiam uehementius, ita à leuioribus sensibilibus, cuiusmodi frigida sunt, nullam molestiam capere illam oporteret, quoniam robur & uis eorum non est tanta, ut cogendo dissiungere materiam tam duram possit. Et tamen si hoc concederemus, quum soluta membri unitas, continuæque eius substantiæ disunctio morbus iam factus & permanens sit, cogerentur Galeno, cuius doctrinam profitentur, aduersari. ille enim Archigenem secutus, maximum dolorem ob alterius partis consensum fieri posse testatus est, ea parte, quæ dolore afficitur, nihil adhuc patiente.

Utilitas dentium, quæ ab actione eorum contingit. Cap. XXVII.

30. **O**S non naturæ instituto, sed ex euentu scissum, dentes fortitum esse, fabulantur nonnulli naturæ industriæ inuidi. Sed minime necesse est ruptis casu oris partibus continuo dentes innasci: quando ano, peni, uul-

uæ, quamuis scissis, nullus dens inest. Aues cibi capiendi gratia os habent: sed haud omnes rostro ad efficiendum pro dentibus utuntur: multæ enim mansuetæ sunt, quæ integrum cibum rostro deglutiunt: nequæ adunco, ut rapaces comminuunt, ac lacerant. Testudini pro dentibus continuum os semicirculi modo flexum, ueluti ferrula minutatim & gradatim incisum, in utraque maxilla inest. Alia animalia pro sua quaque conditione os dentibus refertum habent. Itaque hunc naturæ scopum & progressum si sedulo contemplerur tantum abest, ut animantium fabricam casui acceptam referre debeamus, quod summam etiam opificis nostri prouidentiam inde intelligamus: quia à rudi quadam linea incipiens, tandem omnia forma cunctis numeris absoluta perficit. Commune autem dentium utilitatis genus duplex est. Alterum in officio consistit. Alterum sine actione aliqua est. Primum bifariam diuiditur. Quædam enim animalia solius cibi gratia dentes habent. Alia uero eis, ueluti *καρχαρόδοντα* & *καυλιόδοντα* à Græcis appellata, etiam pro armis ad uim faciendam & repellendam, ut lingua improbi homines abutuntur. Verum si communis dentium utilitas circa alimentum uersatur, mirum est quam ob rem Aristoteles, ex insectis quamplurima cibo humido utentia, dentes non uictus, sed armorum gratia habere scribat. quamuis enim communis usus partium non sit semper præcipuus, nihilominus haud fieri posse uidetur, ut uniuersalis naturæ scopus, & communis utilitas in cunctis, quæ dentes obtinent minime reperiatur. Et quoniam alimentum dentibus, aut capitur solum & frangitur, ut in multis piscibus cernere licet, quibus, propterea quod cibum uorant, nec retinere diu in ore possunt,

natura

natura plures dētiū ordines dedit, & acutos quidem illos & curuos adhunc usum idoneos : aut diuiditur & immutatur : iccirco homini huius rei gratia tales totq; dentes tributi sunt, qui possint omnibus opportunitatibus commode inferuire. Ad apprehendendum incidendumque cibum incisores præsto sunt : benignius enim cum homine natura egit, quàm cum his belluis : quæ inferiorem ordinem incisorum tantum habent, & cornigera magna ex parte sunt; nam homini & animalibus, quæ solipeda, & alijs, quæ *σαρκοφαγῆτα* Græcis appellantur, eiusmodi dentium genus tribuit, qui supra infraque è regione locati, etiam duriorē cibum quasi gladij incidere possunt: illis uero belluis, quia superiori labro cibum comprehendunt, solisque infernis incisorebus diuidunt, natura compensatione facta plures uentriculos duriori tunica præditos tribuit, simulque procurat, ut deglutitum cibum semicontritum per uices ruminent. quò auxilio homo non indiget, quia incisores dentes utrique maxillæ affixi, duploque numero caninis superiores, cibum, ut diximus, ueluti gladij perfecte incidunt. Et quoniam dura etiam interdum ab homine frangenda sunt, hac quoque de re natura sollicita neque caninis eos dentibus, ut oues, boues, &, ut afferunt, equos, quorum cibus mollis est, penitus priuauit, neque, quum sit animal mansuetum & ciuile, cuius robur & uires magis in sapientia, quàm corporis fortitudine consistit, eius os, uti ferocium animantium, illis impleuit. Sed singulis maxillarum partibus singulos apposuit. Quoniam uero ad cibos conficiendos dictæ dentium species non sufficiunt, quando eos apprime contritos homini deglutire expedit, molares quoque ei dati sunt, quo scilicet commode possint incisa ab incisorebus,

foribus, & fracta a caninis, ueluti à molis fruges, leuia fieri & conteri, quod quidem mandere proprie est. quæ sane utilitas, quum latissime pateat, multi quoque id generis dentes homini insunt, & multo plures, quam incisores. indeque usu uenit, ut cibi hoc pacto comminuti accedente oris calore & humore immutentur; rudeque coctionis initium in ore sumant. Patet igitur euidenter homini triplex genus dentium, pro ratione triplicis officij figura & situ uarium inesse, quamuis Aristoteles, & quidam alij non ita semper distinguant, ueluti nos facimus Galenum secuti: sed dentes modo cibum molere & diuidere scribant: modo extenuare & molere: modo diuidere & conficere. Et quoniam quasdam belluas, cuiusmodi sunt lupi, canes, leones, & apri dentibus pro armis, ad uim faciendam ac repellendam abuti diximus; iccirco hominem parumper relicto summam opificis nostri sapientiã in illis quoque contemplerur: is uero operam dedit, ut in ferocibus animalibus dentium figura & robur oris amplitudini responderet; utque proportionẽ primæ uertebre & ungues fortes essent: nulli autem eorum ungues fortes dentes imbecillos dedit. Siquidẽ ferrati & exerti dẽtes, qui ad pugnam aptissimi sunt, parum utilitatis afferrent, nisi multi essent & fortes: eorum item actio quoad morsum inanis redderetur, si os acutis dentibus refertissimum, magnum etiam & maxime scissum non esset, quoniam uero amplitudo oris, & acutorum dentium actio, parum proficeret, nisi ceruix quoque robusta esset, & manibus ac pedibus adiuuaretur. iccirco sagax natura ferratos dentes habẽtibus, primas quoque uertebras magnas tribuit, & ungues ad eundẽ usum comparatos, nempe acutos, fortes, ac rotundos, quasi gladios innatos, quum timidis & mansuetis molles,

les, lätos, & obtusos dederit. At uero animantes, qui ad cibos mandendos, & planè molendos, dentibus potissimum utuntur, exiguum os habent, & multis molaribus refertum, acutis uero aut prorsus carèt, ut equi & oues, aut in singulis maxillæ partibus singulos habent, ut homo & simia. nimirum homo si, ut belluæ ferratis dentibus præditæ, multos acutos dentes haberet, propter angustiam oris uana esset eorum actio: neq; ullam ex amplitudine oris commoditatem caperet propter magnū molariū numerum: unde propter acutorum dentiū inopiā nihil posset roboris accipere, insuper cibos exacte non contereret: re uero, ut se nūc habet, cōstituta, summa naturæ ars elucet, quæ & si os angustum caninos autē dētes paucos, nēpe utrinq; , tum in superiore, tum in inferiore parte unū, eosq; ad pugnā ineptos & imbecilles, idoneos tamē certe ad frangēdum quicquid scindere incisores nō possent, homini tribuit. Cæterū quia dētes nō solū actione usum afferūt, uerū per quasdam ipsi actiones creantur, perficiuntur, & conseruantur; de his etiā dicere aliquid oportet. Nam in utero geniti certo tempore foras exeūt, ut infans matrē molestia liberet, & lacte dimisso solidiorem cibum capere incipiat. Semper crescunt, ut scribit Aristoteles: sæpe toto ferè ætatis tempore, ut Galenus, quo proprium munus obire sine detrimento possint. etenim, si quemadmodum exposuimus, minime crescerent, attritione breui cōsumerētur. nam quanquā articulorum ossa, quæ sæpius ac uehementius mouentur, duritie ab eis superentur, tamen minus nuda sunt, & dura duris, atque inæqualia inæqualibus similiter non occurrunt. sed huius incōmodi euitandi gratia mucosa usq; humiditate perfunduntur; & cartilagine etiam quasi crusta obducuntur. Neros ac sensum
meliori

melioris usus gratia dentes acceperunt, quia sunt propter nuditatem externis iniurijs expositi: sapores autē simul cum lingua discernunt, ut reliquæ oris partes.

Utilitas, quam dentes sine actione præbent.

Cap. XXVIII.

VSus dentium, qui sine actione considerandus est, dupliciter differt. nam, aut ad ea refertur, quæ dētibz profunt: aut ad alias partes, quibus ipsi aliquid commoditatis afferunt. Primo genere durities & densitas continentur, quæ, ut mihi uidetur, æque omnibus inest, ne prius scilicet conterantur, quàm cibos comminuant. hæc præcipue molaribus uidetur tribuere Galenus, fortasse quia diutius suo munere funguntur, & pluribus locis sese tægūt: sunt tamen incisores & canini æquè duri, quia licet breuiori tēpore agāt, durioribus occurrūt. Figura muneri egregie respōdet. Molares haud leues sunt, ut alij, quia munus suum obire commodè nequirent, quando ab inæqualibus atque asperis melius cuncta minui & cōteri molē triticeę demonstrant, quas attritas, ac leues redditas, artifices hanc ob causam rursus excidunt, & asperiores faciunt. Acuti & lati incisores sunt, quia scindunt. Acuti in superiore, lati in inferiore parte canini, quia dura sine robore non franguntur. Lati item sed non æqualiter sunt molares: etenim quæ læuia sunt, amplis basibus indigent. quod si exigui angustive essent, longissimo nobis tempore ad cibos atterendos opus esset. quæ sanè causa est, cur incisores & caninis attenuari nihil possit. Concauitatis dentes sunt participes, non, ut leuiores sint (hæc enim

enim mihi ratio in ipsis ineptissima uidetur) sed ut com-
 modius generari, nutrirī, ac sentire possint: quum, uē-
 luti supra ostendimus, duplici substantia consistēt, alte-
 ra, quæ corticem refert: altera, quæ internæ arboris
 parti commodè assimilari potest; & imminuta concaui-
 tate dura deinceps magna ex parte euadit, & ossis for-
 mam suscipit. Radices dentibus pro ratione magnitu-
 dinis & officij magnæ aut paruæ, pluresve aut paucio-
 res tributæ sunt: nunquid autem breuiiores & paucio-
 res inferioribus, quia superiores pendent, & hanc ob
 causam commoueri facile possunt: an uero, ut ego ar-
 bitror, quia maxillæ superioris dentes dissimiliter ac mo-
 læ quiescant, ac motum suscipiant, alijs iudicandum re-
 linquo. respondent autem radices adamussim præsepio-
 lis, quia si latiores essent, harmonia laxior euaderet: si
 angustiores, non permetterent dentium radices ad imū
 usque peruadere: hoc uero modo se habentes stringūt
 ac continent ualidissime. Positionis nomine laudāda
 est natura, quod dentium choream tam belle exorna-
 rit: nam, ut modo præteream, Galeni rationem non
 omni ex parte ueram, nimirum quod iniquum fuisset
 angustis oris partibus dentes magnos indere, amplis ue-
 ro exiguos: & minime conueniret internam oris cape-
 dinem, quæ ita, ut anterior; angusta est, æque magnos
 dentes ac mediam habere, quæ est amplissima; certe in
 parte anteriore, qua os apertum est, ueluti decōr postu-
 lat, incisores sunt & canini; quia cibum capere, mox
 incidere prius oportet, quam frangere & atterere: in
 interiore, quæ tecta est, molares sedem habent, ne dum
 cibum comminuunt, & lingua adiuuante huc illuc im-
 pellunt, aliquid effluat: quod si ista positio dentium im-
 mutetur, & in exteriori parte molares, in interiore in-

cifores & acuti locentur, tūc uero labefactetur eorum actio, & inutiles ipsi plane fiant. Media dentium spacia magnum etiam decus afferunt: atque ad cibum etiam sumendum utilia quandoque sunt. scio enim hic Romæ adulti hominis caluariam reperiri, cuius maxilla inferior omni penitus articulo & motu caret: in eaque superni infernique dentes se tangunt: unde discere licet per eiusmodi spacia dentium, liquidum cibum in uentrem aliquando immitti: quod in phreniticis, cōuulsis, nonnullisque alijs scirrhum articuli maxillæ inferioris patientibus, sæpe etiam obseruati. Et quoniam dentes, si nudi planè essent, insolens quoddam fastidium & molestiam intuentibus exhiberent, & quaque ipsi occasione læderentur, iccirco natura oris pulchritudini & dentium saluti simul consulens gingiuis, ne horriduli essent, illos ornauit: labijs uero, licet mollioribus, tanquam clypeo muniuit, atque obtexit, ut hoc pacto instructi, ueluti septum, frigidiorē aerem ingressu prohibeant, frangantque, & immutent; & non solum linguæ in omnibus animantibus pro uallo sint; sed in homine ad loquendum etiam inseruiāt. Et quoniam hic usus non est contemnendus, non possum non admirari Galenum scribere interdum, homines ad solum esum dentes idoneos habere. Verum his eum uerbis hanc utilitatem excludere non puto, sed potius humanos dentes armorum munere priuare; & communem eis usum, qui potissimum in cibis mandendis consistit, cum Aristotele tribuere: huius enim & non alterius eo loco meminit; quia dētes ob sermonem, neque simpliciter necessarij sunt, neque omnes utiles, sed incisores tantum. Difficilis est etiam oratio Aristotelis asserentis, dentes alia animalia habere ad cibum, alia ad uo-

ad uocis orationem . neque enim aliquod animal homi-
 ne excepto sermonis , neque homo huius tantum usus
 gratia dentes habet, neque præcipua ipsorum commo-
 ditas in oratione consistit . Sed existimo illum accesso-
 riam quandam dentium commoditatem his uerbis po-
 tius significare , quàm asserere aliquem animantem so-
 lius orationis gratia eos habere . Ignorandum præte-
 rea non est , solos incisores orationis gratia hominem
 habuisse, licet non prius loquatur , quàm triplex den-
 10 tium genus , quod exposuimus , extra gingiuas promi-
 neat, infans enim , ut uulgo dicitur , sine dentibus ua-
 git : duos quatuorve quum habet , musitat : ore illis re-
 fert, loquitur . Et quamuis incisores linguæ nõ parũ
 20 usus ad loquendum præbeant , omnium tamen uerbo-
 rum prolationem non æque adiuuant, ac perficiunt ; sed
 quorũdam claram & facilem reddere inde percipimus ,
 quia illis amissis sermonis explicatio læditur , & tardior
 efficitur ; aliorum uero , quæ ex t, & r, literis composita
 sunt, quasi organa esse, & ad articulos eorum plurimum
 30 conferre in balbis experimur . Siquidem balbutire Ga-
 leno auctore prolationis uitium est, quia lingua eas uo-
 ces exquisitè dearticulare nequit, quæ per t, & r, profe-
 runtur . ut traulus, & trepidus : quæ quidem dictiones
 nisi lingua sese explicet, & ampla fiat, ac prioribus den-
 tibus innitatur, proferri non possunt . horum dentium
 usus ad eas quoque dictiones pertinet ex literis compo-
 sitas, quas dentium Hebrei nuncupant.

Varia dentium forma, præter naturam in-
 30 *stitutum facta. Cap. XXIX.*

Natura, dum animantium partes fingit, suas inter-
 dum leges prætergrediens, multa præter institu-

rum facit. ex quibus, quum in dentibus haud pauca Historici potius, quam Anatomici obseruauerint: uisum est mihi, ne quid huic tractationi desit, naturæ quoque errores in dentibus conformandis non esse prætereundos. Narrant quidam Historici Pyrrhum regem Epirotarum: Euripheum Cyrenaicum: & complures etiam alios os continuum pro dentibus habuisse, æque extensum ac lineis quibusdā altis non aliter distinctum, nec alio tenore, quam plerique maxillares caprarum conspiciantur. hanc ego coniunctionem in omnibus dentibus nunquam uidi: sed tres aut quatuor molares, non aliter quam in pecudibus continuatos aliquando obseruauit. & præterea in quodā ciue meo intuitus sum, in senectute iunctos dentes, dura ac pene lapidea materia undiq; obductos, nullo distinctionis uestigio retecto, unius tantū ossis speciem præferre. Timarcum Cyprium duplicem, Herculem triplicem dentium ordinem habuisse scribunt, huncque Anatomici nostri temporis, dum publicas sectiones Romæ administrarent, in proprijs filijs ostendisse ferunt. quod tametsi, ut in hominibus aspicerem, nunquam mihi usu uenit, tamen quia eximij medici huius rei testimonium præbent, eis fidem habeo. etenim minime dici potest, huic iuueni, de quo loquuntur, antequam primi dentes excidissent, nouos per alios alueolos foras prodijisse. Siquidem hac ratione duplicem tantum, non triplicem ordinem, neque omnium dentium, sed illorum solum habuisset, qui circa septennium cadunt & renascuntur: & præterea non ad decimum octauum annum, quo tempore obiit, sed breui, prioribus tandem excussis perdurasset. In palato quandoque generari dentes Alexander de Benedictis, & quidam alij testantur. quod mihi etiam uidere con-

contigit in muliere Romana, cui non longè à palati foramine incisõribus proximo, enatum dentem iussi scalpello incidi, & igne exuri. Est etiam Eugubij in monasterio sanctissimæ Trinitatis, eximij iuris utriusque consulti Hieronymi Gabrielij ex sorore nepos, cui dens in medio palato, etatis anno decimo octauo natus est, què etiam nunc habet, & uidere licet. Quosdam cum omnibus dentibus natos Plinius & Solinus narrant. Alij Pheretem edentulũ fuisse scribunt. Hali uero senibus omnes dentes iterum natos testatur. quod posteriores medici, uel quasi figmentum spernunt; uel ea saltem conditione concedunt, ut renati dentes naturæ admodum diuersæ à prioribus sint. Quibusdam mulieribus pro uno quoque filio, quem pariunt, dentem cadere fabulosum esse arbitror: si uerum esset, eius ratio haud reddi facile posset. Illud cõsideratione dignum uidetur, quibusdam non septimo, sed decimotertio & decimo quarto anno consuetos renouari dentes cecidisse, atque iterum natos fuisse. Alios statuto definitoque annorum numero, nimirum semel post septimum, iterum uero post decimum quartum annum, eosdem dentes bis amississe, & totidem denuo recepisse. Neque illud prætereundum est, nonnullis uigesimalis ætatis annum agentibus, genuinum erutum eodem anno renatum esse. multisque demum iuuenibus bene temperatis ac fortibus, molarem, modo unum, modo alterum extractum iterum creari.

Nonnulli affectus præter naturam dentibus euenientes Cap. XXX.

Postremo loco nonnullæ malæ dentium affectiones percurrendæ sunt, quibus dignoscendis & curandis

dis anatomica facultas plurimum lucis, & opis afferre potest. Inopiæ & redundantia dentes obnoxij sunt. inopia alimenti tenuiores redduntur, & in senili ætate mobiles, modicumque omnino auxilium ab astringentibus pharmacis accipiunt, quibus gingiua coarctantur. quod si consumptæ & imminutæ gingiua à dentibus recesserint, callumque aut cuticulam, qua eos spectant, obduxerint, nisi dentes quoquo uersum ductis lineis scalpello prius exasperes, deinde gingiuas uulneres, & cruentas reddas, medicamentis eas augere, & dētibus agglutinare, non minus frustra tētaueris, quàm indicem medio digito coniungere. Redundantia, quā uis dentes substantiam duram habeant, ac prope lapideam, similem in eis affectionem excitat, cuiusmodi est circa carnosas partes inflammatio: quod sane, ut admiratione dignum sit, tamen ex alimenti copia accidere posse, & Galenus testatur, & ratio ipsa confirmat. neque enim uideo quid prohibere possit partem, quæ contra aliarum consuetudinem tam diu, ut expositum est, augetur, hoc malo affici. De euidenti tumore præter naturam maior lis est, Hippocrates tamen in Hegesistrato dentem postremum duos nodos habuisse testatur: in alio ægroto tres, circa medium alterum, duos anteriori in sede. quos nonnulli, ut Hali à neruosa ligamentosaque dentis parte fieri arbitrantur. Dentes uarijs modis putridos effici Hippocrates scribit. superua caneum tamen est, quum nihil anatomico dignum habeamus, de illis hoc loco tractare; nisi fortasse aliquis cum Plinio mirari uelit eos, quos nec ignis cremat, nec flamma domat, tabe pituitæ excauari: cum Galeno uero propter molliciem erodi, ideoque expedire, ut duriores reddātur. De fluxionibus, quibus obnoxij sunt

10

20

30

illud

illud dicere non prætermittam, obseruasse me non semel præsepiola tantam copiam gypseæ materiæ coaceruasse, ut concauitate repleta, dentes omnes prorsus à uinculis soluti, sensim foras expellerentur, ac tandem sponte caderent. Vtrum uero, quum dentes ob fluentium humorum impetum dolent, medicamenta topica, ad fluxum intercipiendum, post aures admouenda sint, quia nerui inde & uasa ipsorum proficiscuntur, poterit diligens medicus examinare, ac deinceps caute ex
 10 periri. Est sane uero dentium chirurgia hac ætate uilissima, tametsi eorum euulsionem, quam Galenus ueterum inuentis multa adiiciens, prosecutus est, Aesculapius, si Ciceroni credendum est, primus omnium inuenit. De ea illud nobis satis est dicere, ad dentes tuto eruendos ea nosse, quæ anatomes exercitatione percipiuntur, & de quibus nos locuti sumus, non mediocriter conducere. Quod febres, conuulsiones, atque alui profluvia pueri patiantur, quum dentes emittere incipiunt, Hippocrates tradidit; & Galenus hoc pacto
 20 explicauit. perforatis gingiuis à dentibus prodeuntibus, eiusmodi casus eueniunt, quemadmodum ubi stimulus infigitur carni: & sanè plus dētes affligūt, quàm stimuli: ij siquidem semel firmati quiescunt in membro, cui ab initio infixi sunt: dentes uero tantum procedunt, quantum augentur. quæ mala & si à superioribus caninis foras erumpentibus, quippe quia longissimas omnium radices habent, maxime proficiscuntur; haud tamen credendum est eos adeo ascendere, ut in
 30 feriolem oculi ambitum ferme attingant.

FINIS.



